

IMP
1
072

Casabino,

IMP
1

~~Caja B-X 072~~



3
82-74

~~e-53-6 (9)~~

IMP
72

Benito Carralino,

JMP
1

~~Caja B-1072~~

3
32-74

~~C-53-6 (9)~~

IP
12

Microfilm



CONSTITUTIONES

A

D. NOSTRO PHILIPPO

HISPANIARUM, ET INDORUM REGE INVICTISSIMO

PRO MELIORI REGALIS SIMUL, ET IMPERIALIS

DIVÆ CATHARINÆ

COLLEGII VNIVERSITATIS GRANATENSIS REGIMINE,

& pro firmiori, validiorique ejusdem Collegii Regii Patronatus conservatione,

atque pro illustriori Collegarum suorum splendore in Augustioris

signum liberalitatis Diplomate Regio

concessæ.

GRANATÆ: EX TYPOGRAPHIA JOSEPHI DE LA PUERTA.

Anno Domini MDCCXLI.

C
53
6(9)



CONSTITUTIONES

A

D. NOSTRO PHILIPPO

HISPANARUM, ET INDORUM REGE INVICTISSIMO

PRO MELIORI REGALIS SIMUL ET IMPERIALIS

DIVAE CATHARINAE

COLLEGII UNIVERSITATIS GRANATAE REGIMINE

et pro hunc, validumque eundem Collegii Regni Patronus conservations

supra prohibitionem Collegii Granatae in Regibus

legum hinc hinc Hispaniae Regio

concessit

GRANATAE: PER TIPOGRAPHIAM JOSEPHI DE BARTOLTA

Anno Domini MDCCXXII



EL REY.



ON PHELIPE

POR LA GRACIA DE DIOS, Rey de Castilla, de Leon, de Aragón, de las dos Sicilias, de Jerusalem, de Navarra, de Granada, de Toledo, de Valencia, de Galicia, de Mallorca, de Sevilla, de Cerdeña, de Corcega, de Murcia, de Jaen, de los Algarves, de Algecira, de Gibraltar, de las Islas de Canaria, de las Indias Orientales, y Occidentales, Islas, y Tierra Firme del Mar Oceano, Archiduque de Austria, Duque de Borgoña, de Bravante, y Milán, Conde de Abspurg, de Flandes, Tirol, y Barcelona, Señor de Vizcaya, y de Molina. Por quanto el Colegio de Santa Cathalina Martyr, que en la Imperial Vniversidad de Granada fundò, y dotò el Señor Emperador Carlos Quinto, mi glorioso Progenitor, se ha hallado por muchos años obscurecido, y vsurpado à mi Real Patronato, y que para reintegrarle se siguiò por mi Fiscal, coadyubado del Rector, y Colegiales de el mismo Colegio vn Pleyto muy difuso en los Estrados de mi Consejo de la Camara, donde se declaró por Autos de vista, y revista, tocarme, y pertenecerme *in solidum*, y à los Reyes mis successores el Patronato de èl; y que en su consecuencia se expidiò vna mi Real Carta Executoria, su data à onze de Febrero del año proximo passado, que original se guarda en el Archivo del enunciado Colegio: conuiniendo mucho al servicio de Dios, y mio, que el Rector, y Colegiales de èl tengan Constituciones, y Estatutos, para su regla, y gobierno, y que sirvan al mayor lustre, y esplendor de todos sus Individuos, y conservacion de mi Real Derecho de Patronato, he tenido por bien de mandar, se formen, las que se ayan de guardar, y cumplir: Y aviendose así executado, y visto en mi Consejo de la Camara, donde se aprobaron, y confirmaron, es mi voluntad, y mando, que el Rector, Colegiales, Ministros, y demás Sirvientes del referido mi Real Colegio de Santa Cathalina Martyr de la Imperial Vniversidad de Granada, cumplan, y observen las Constituciones, y Estatutos siguientes.

¶

INTER-

2
INTERROGATORIO PARA LAS PRUEBAS PUBLICAS,
que se han de hazer à los Pretendientes, admitidos à Beca de nuestro
Colegio Real, è Imperial de Santa Cathalina Martyr
de la Vniversidad de Granada.

POr las preguntas siguientes se examinaràn los testigos de la Infor-
macion, que de oficio se ha de hazer por parte del Colegio de
Santa Cathalina Martyr de la Imperial Vniversidad de Granada, sobre
la legitimidad, limpieza de sangre, y oficios, vida, y costumbres de
D. N. natural de &c. à quien el Rector, y Colegio Real de Santa Ca-
thalina Martir, tiene hecha gracia, y merced de vna Beca de &c.

1 Si conocen al dicho D. N. natural de &c. y à sus Padres
D. N. natural de &c. y à D. N. natural de &c. y vezinos de &c. y à los
Padres de estos, y demàs ascendientes, digan, &c.

2 Si saben, que los dichos D. N. y D. N. Padres de dicho
D. N. fueron casados, y velados, segun orden de nuestra Santa Madre
Iglesia, y que mediante su matrimonio, huvieron, y procrearon al dicho
D. N. su hijo legitimo, y como à tal lo criaron, educaron, y alimenta-
ron, digan, &c.

3 Si saben, que el dicho D. N. Padre del dicho D. N. es hijo
legitimo de legitimo matrimonio de D. Fulano, y de Doña Fulana,
naturales, y vezinos de &c. y que durante su matrimonio fue avido,
tenido, y procreado como tal, digan, &c.

4 Si saben, que la dicha D. N. Madre del dicho D. N. es
hija legitima de legitimo matrimonio de Don Fulano, y de Doña Fu-
lana, naturales, y vezinos de &c. y que durante su matrimonio fue avi-
da, educada, y alimentada como tal, digan, &c.

5 Si saben, que el dicho D. N. no estè casado de presente,
ni aya sido Rellgioso Professo, ni ha hecho voto de Religion, ni que
aya tenido enfermedad alguna contagiosa, como de San Lazaro, ù
otras, digan, &c.

6 Si saben, que los dichos D. N. sus Padres, Abuelos Pater-
nos, y Maternos, con los demàs sus ascendientes, han sido, y son cada
vno en su tiempo Christianos viejos, tenidos, y reputados por tales, de
limpia sangre, y limpios de toda mala raza de Gytanos, Moros, Judios,
y Moriscos, ni de los nuevamente convertidos à nuestra Santa Fè Ca-
tholica, ni penitenciados por el Santo Tribunal de la Inquisicion, ni
castigados por otro alguno, de donde pueda averse seguido à dicha
Familia alguna nota, ò infamia, digan, &c.

7 Si saben, que el dicho D. N. sus Padres, Abuelos Paternos,
y Maternos, no han exercido, ni exercen oficios viles, mecanicos, ni
otros algunos improprios, y no correspondientes à el lustre, y decoro de
la Beca de este Real Colegio, digan, &c.

Si

8 Si saben, que el dicho D. N. es de buena vida, fama, y costumbres, honesto, estudioso, y sin vicios, digan, &c.

9 Item, de publico, y notorio, publica voz, y fama, digan, &c.

¶ Item, se examinaràn tres testigos temerosos de Dios, Christianos viejos, de toda fee, y credito, los quales seràn preguntados, si saben, que los testigos de la Informacion, expressandoles sus nombres, son Christianos viejos, limpios de toda mala raza, y macula, y son sugetos de toda fee, y credito, acostumbrados à dezir verdad en Juizio, y fuera de èl, y por tales tenidos, y comunmente reputados, y que asì es publico, y notorio, publica voz, y fama, digan, &c.

CONSTITUTIO I.

DE ELECTIONE RECTORIS.

Apostolus Paulus commendans nobis vinculum vnitatis ita loquitur: solliciti sitis seruire vnitatem spiritus in vinculo pacis, vt ergo in recto regimine nostri Regalis Collegii Diuæ Catharinæ Martyris vinculum pacis, & vnitatis perpetuò seruetur, oportere iudicauimus omnia membra, constituentia nostrum Regale Collegium vnico Capiti adunari, sicut in prouido orbis regimine, vnus est Rector omnium omnipotens Deus.

§. I.

Volumus ergo statuimus, & ordinamus, quod in prædicto nostro Regali Collegio Universitatis Granatensis Sanctæ Catharinæ Martyris nuncupato in obsequium prædictæ Martyri, & Virgini debitum eo quod in ipsius festi die Collegiales investiti apparuerint: Dei sic ordinante providentia: tredecim sint tantum Collegiales in memoriam Salvatoris nostri Jesu Christi, & duodecim Sanctorum Apostolorum, quorum patrocinio submitimus, quorum Collegialium septem sint Canoniste, & alii sex Theologi, qui omnes eadem investitura in posterum vtantur, qua hodie vtuntur, ita vt semper clamis Cœlestem, & Epitogium leoninum colorem habeant; è dicto Collegialium numero (minimè tamen de extraneis) vnus in Rectorem, & Caput sit eligendus a deo regimini domus, & reddituum administrationi aptus, vt major vtilitas nostro Collegio sequatur, & omnes Collegiales, vivant in vnitate pacifica spiritus.

§. II.

Volumus, & ordinamus, prædictam electionem celebrari forma sequenti. In die vigesimaquarta mensis Novembris, qui est

ante

ante festum Sanctæ Catharinæ Virginis, & Martyris, quæ Patrona, & vnica Titularis prædicti nostri Insignis, ac Regalis Collegii est constituta, omnes Collegiales cum suo Rectore convenient in loco ad generales, & particulares congressus ejusdem Collegii pro rebus deficientibus destinato, ibique præcedente juramento Rectoris, sui, & aliorum Collegialium nomine, eligendi quem sciverint, ac judicaverint sufficientiorem, magis idoneum, & vtiliorem pro regimine nostri Collegii, omni odio, favore, & affectione postpositis, & præcedenti citatione ante diem de jussu Rectoris per vnum ex Familiaribus omnibus Collegialibus faciendam, illa eadem hora, qua oratio Angelica (vulgo las Ave Marias) solet recitari, Collegii foribus clausis, jubebunt Collegialem Secretarium egredi de loco Capituli duobus Familiaribus præeuntibus, & candelas accensas portantibus, vt totam domum visitet, & quos extraneos invenerit, imo, & omnes Famulos singulorum Collegialium, & reliquos omnes aliis ministeriis domesticis deputatos statim de domo eijiciat, & iterum propria manu januas claudat, serisque obstringat, quarum claves ad Capellam, sive locum destinatum, in quo spectat Collegialium congressus afferet, & super mensam in dicto loco paratam reponet, ac tandem testimonium præstabit de domus clausura, & de ejectione exterorum: quo adimitur omnis occasio scandali, vel tumultuariæ electionis: quo facto, Rector notum omnibus facit, quoniã elapsus est annus sui officii, veniam petet de defectibus de humana fragilitate commissis in regimine prædicti anni, quo officio renuntiato, admissaque renuntiatione, statim fiet serutinium de idoneis, super quos cadat electio.

§. III.

Volumus, & ordinamus, eum, qui officium Rectoris persolvit, inabilem esse, vt anno immediato iterum in Rectorem eligi possit, præterquam in raro evetu, in quo duæ partes eligentium idoneum illum efficiant propter magnam subiecti capacitatem, & cognitionem, quarum causa censeatur valde necessarius meliori regimini, & majori nostri Regalis Collegii vtilitati.

§. IV.

Item Tyrones, qui duos integros annos in Collegio non adimpleverint, non possunt eligi, eligere tamen poterunt.

§. V.

Item ille Collegialis, qui debitor Collegio extiterit ex tempore sui Rectoratus minimè in Rectorem eligi possit, donec integrum debitum Collegio persolvat.

§. VI.

Volumus, & ordinamus, vt omnes Collegiales dicti nostri Collegii prædictæ electioni adsint, quod si aliquis eorum propter iustam urgentissimam causam, & cum legitima licentia absens sit, possit eligi in Rectorem, qui si non venerit infra vnum mensem, à die, qua certioratus fuit de eius electione, ejus jus cadat, & novus eligatur Rector; si autem absentia electi fuerit de mandato nostri Collegii, ipsius causa, vel in ejus utilitatem hoc in casu uullo modo debet parere absentia electo præjudicium, nec supradictum observari, & idem in Consiliariis seruetur. Exclufis igitur ijs inhabilibus, vel si qui fuerint alii ob alias causas, vel pœnas, fient per Secretarium tot Schemulæ, quot fuerint eligentes, in quibus sint scripta nomina eorum, quorum idoneitas approbata sit, ac in singulis excipietur nomē illius, cui Schemulæ dandæ sunt. Schemulis distributis, ipse Secretarius colliget suffragia, seu vota in arca clausa, & perforata, per cuius foramen angustum, singuli eligentes in jicient Schemulam parvam cum nomine illius, quem magis idoneum judicaverint, Schemulis sic collectis, Secretarius arcam sic clausam in conspectu Rectoris, & Collegii adaperiet, & Schemulas numerabit, ant tot sint, quot sunt vocales, quod si plures repererit, quam par est, Rector electionem nullam, & irritam declarabit, & statim ad novam electionem faciendam iterum est procedendum.

§. VII.

Item, ordinamus, quod si numerus Schemularum rectus inveniatur iuxta numerum eligentium, Secretarius illas publicè legat, & secundum diversitatem nominatorum in eis, segregabit, & si plures, quâ duo nominati fuerint, ac in nullo eorum reperiatur plusquam dimidia pars suffragiorum, rejectis, qui pauciora suffragia habuerint, dabuntur iterum Schemulæ cum solis nominibus eorum, qui plura vota, seu suffragia habuerunt: & tandem his novis Schemulis in arca clausa forma supradicta collectis, & coram Rectore, ac Collegio lectis, & computatis, ille in quo major pars suffragiorum reperiatur, rite electus in Rectorem declarabitur pro anno sequenti.

§. VIII.

Quod si suffragia, seu vota fuerint paria, & vnusquisque nominatorum dimidiam partem habuerit, volumus, & statuimus, vt fors inter eos mittatur, & ille, cui fors tetigerit, rite electus censeatur, & vt talis publicetur.

§. IX.

Electio sic rite celebrata publicabitur, & electo dabitur possessio solemnitate sequenti; Rector adimplens officiū pro anno præcedenti

denti tanget campanam argenteam, qua audita, duo Familiares (vulgo Famuli) qui foris stant custodientes ostia congressus, seu Capituli, ingredientur cōgressum, ac stantibus illis dicatur. *Fratres, scite electionem per nos à Deo factam in persona Domini N. & egredientes tangent publicū Collegii tintinabulum, & postea revertentur ad fores congressus.*

§. X.

Item, ordinamus, quod Rector, jam sic electus, surgens, ac genuflexus ad pedes Rectoris adimplētis, stantibus omnibus, faciat sequens juramentum: *Ego Dominus N. Rector hujus nostri Regalis, ac Insignis Collegii Divæ Catharinæ Martyris Imperialis Vniuersitatis Granatensis, promitto per Deum vivum (nunc extendit manus super quatuor Dei Evangelia) & per hæc Sacrosancta Dei Evangelia à me corporaliter tacta, statuta hujus nostri Regalis Collegii servare, diligenterque prospicere omnia, quæ tendant ad regimen, rectam gubernationem, ac majus augmentum, hujus communitatis, & Collegii, in quibus per integrum annum mei muneris ero diligentissimus. Insuper juro secreto servare quascumque res inter nos tractatas, & tractandas ad commodum nostri Collegii pertinentes. Sic me Deus adjubet, & hæc Sacrosancta quatuor Dei Evangelia.*

§. XI.

Item, ordinamus, quod præcedenti juramento facto, Rector præcedens surgat à sede Rectorali, & restituatur suo loco antiquo, ac novus Rector sedeat in sede propria sui officii, & ei tradantur sigilla nostri Collegii majus, ac minus, & vna clavis archivi in signum possessionis; & quod statim antiquior Collegialium clamide indutus (sic sunt omnes) surgens à sede, ac genuflexus ad pedes novi Rectoris præstet nomine cæterorum juramentum obedientiæ tenore sequenti, stantibus omnibus.

JURAMENTUM OBEDIENTIÆ.

VT ergo muneri nostro incumbamus, promittimus per Deum vivum (tangit filiter librum Evangeliorum) & per hæc Sacrosancta quatuor Dei Evangelia à nobis corporaliter tacta præstare debitam obedientiam Domino nostro Rectori in licitis, & honestis, & secreto nos servare quascumque res inter nos tractatas, & tractandas ad commodum nostri Regalis Collegii pertinentes, sic nos Deus adjuvet, & hæc Sacrosancta Dei Evangelia.

§. XII.

Prestita obedientia, novus Rector re pendat grates communitati pro electione in se facta, & antiquior Collegialium nomine Collegii repondat Rectori, qui tanget Campanulam, ut ingrediantur Familiares, & præstent etiam obedientiam dicto Rectori. Quibus

per

per actis, dissolvitur congressus; & ut electio jucundius plaudatur, & loculentius celebretur, jubebit novus Rector, afferti in disco varias collationes, quas Collegiales inter se impartiantur, Rector verò adimplens, quia ignoratur eligendus, præveniet jucundam cœnam, sed modestam, & ab omni prodigalitate alienam juxta laudabilem consuetudinem in dicto Collegio observatam, & in fine cœnæ singulis Collegialibus singulas dabit libras collationis, quod fiet de expensis, & dispendio prædicti Rectoris noviter electi.

§. XIII.

Item, volumus, quod electus in Rectorem omnibus Collegialibus, qui ante à fuerint prædicti Collegii, quique extra Civitatem Granatensem pro tunc permanserint, notam faciat in scriptis electionem in se factam, & ipsi rescribent Rectori, offerendo suum adjutorium, & obedientiam: reliqui verò (si qui fuerint) intra mœnia Civitatis se præsentabunt in die Sanctæ Catharinæ in cubiculo Rectorali, se, & sua novo Rectori offerendo, quo adimplentur munera debita: urbanitatis.

§. XIV.

Item, volumus, & statuimus, quod Rector infra quindecim dies suæ creationis recipiat per inventarium cum Consiliariis omnia bona Collegii à prædecessore suo; quod inventarium ponatur in Archivo Collegii, & subscribatur à Rectore, & Consiliariis noviter creatis simul cum Secretario, tanquam approbatum, ac verum; si autem Rector, & Consilarii præcedentes infradictum tempus dare renuerint, omni rigore compellantur.

CONSTITUTIO II.

DE OFFICIO CONSILIARIORUM.

§. I.

Cum Spiritus Domini nobis afferat in Libro Proverbiorum: *Consilium custodiet te, & prudentia servabit te, ut eruaris à via mala;* volumus in super, & ordinamus, quod de duodecim remanentibus Collegialibus (minimè de extraneis) duo eligantur Consilarii, quorum consilio, & prudentia Rector servetur, & eruatur à periculo, quod sepe emergit ex modo operandi relictorum in manu proprii consilii. Duorum Consiliariorum electio fiet à Collegialibus, servata forma stabilita in electione Rectoris (sine clamide tamen) & cum juramento ibi appposito, faciundo ab electis in manu Rectoris pro exactiori, ac fideli sui muneris implemento.

§. II. **I**tem, volumus, & ordinamus, quod duo Consilarii sic electi cum Persona Rectoris redditus, ac proventus Collegii suscipiant, & in communes vsus distribuant, epistolas missivas legant, quas per Collegialem Secretarium scriptas emendabunt, vel approbabunt, vt conveniens judicaverint; simulque cum Rectore firmabunt, & mitti javebunt, vt in constitutione de Secretario Collegii fusius explanabitur. Item, Collegialis Secretarius in libro congressuum, sive Capitulorum scribet prædictam electionem Consiliariorum, quo fidem faciat; sicut reliqua omnia gesta à Collegio.

§. III. **I**tem, statuimus, quod nulli electi Consilarii tales sint duobus annis continuis, sed quod eligantur de his, qui functi non fuere hoc officio anno immediatè præterito, nisi evidentissima, & vrgentissima causa contrarium suadeat.

§. IV. **I**tem, non eligatur is, qui debitor Collegio extiterit, nec tyrones, quia eligendi debent esse ij, qui magis instructi sint in rebus, ac negotiis Collegii.

§. V. **I**tem, ordinamus, quod prædicti Consilarii singulis Hæbdomadis sumant simul cum Rectore rationem de omnibus domus expensis, ac rem familiarem distribuant; ita vt nulla pæcuniarum receptio, vel earum distributio valida censeatur, nisi à Rectore, & prædictis Consilariis non solum facta, verum etiam propriis nominibus roborata comperiat, & nullatenus in rationibus reddendis, nova Rectori, & Consilariis possit computari pæcuniarum distributio, si cum dicta solemnitate non sit facta.

§. VI. **I**tem, pro Archivi strictiori custodia tres erunt claves diversimodè factæ, quarum singulas Rector, & singuli Consilarii habebunt. In dicto Archivo sic obserato reponentur pæcuniæ, clavis granarii, simul ac chirographa, seu instrumenta publica tam informationum, quam privilegiorum, & aliarum rerum Familiarium, reddituum, ac proventuum Collegii, à quo nihil subtrahetur tam pæcuniarum, quam chirographorum, quin prius in libro ibi appposito, & ad id designato exprimatur, quem ad finem eruatur, & à Rectore, & Consilariis subscribatur.

§. VII. **I**tem, volumus, quod foribus Collegii ad horas infra dicendas clausis, nulla sit facultas tunc temporis aperire, nisi vrgentissima causa eveniat à Rectore, & Consilariis omni rigore examinanda. Idem erit obser-

9
observandum in iis difficultatibus, quarum gravitas non sit opus totius Collegii resolutione; semper tamen, quod Rector, & Consilarii intra se diferant, Rector Collegiales congregabit, ut iudicium ferant, & rem maturius deliberent.

§. VIII.

Item, ordinamus, quod intra octo dies ab electione Rectoris, in quibus sunt eligendi dicti Consilarii, eligatur etiam à Collegialibus in Procuratorem vnus ex ipsis, quem sciverint sufficientiorē, & utiliorem pro litium, & pertinentiarum nostri Collegii assentione, & prosecutione, hicque teneatur reddere rationem nostro Collegio saltem singulis mensibus de gestis ab eo in hoc tempore.

§. IX.

Item, mandamus, quod dicti Consilarii electi, simul cum Rectore intra vnum mensem ab eorum creatione sumant rationē Rectori prædecessori de omnibus expensis ab ipso factis in anno sui muneris, quæ ratio finita, & à supradictis approbata, erit denique approbanda à Collegialium congressu, si recta inveniatur, & sic approbata, & à novo, & antecedenti Rectore subscripta vna cum Consiliariis, & Secretario, ponatur in Archivo nostri Collegii, quod si Rector rationem reddere renuerit, omni rigore à Collegio sit compellendus, & ita & eodem modo ad satisfactionem, si debitor ex redditibus Collegio esse aparuerit. Si autem aliquis Consiliariorum absens, vel legitime impeditus fuerit, loco illius substituatur antiquior, servata ordine antiquitatis.

CONSTITUTIO III.

DE VICE-RECTORE, ET EJUS NOMINATIONE.

§. I.

CUM Deus, & Dominus noster Jesus Christus iturus ad Patrem in remedium suæ visibilis corporalis absentia Petrum Apostolum Vicem Christi, ejusque Vicarium in terris constituisset, nobis reliquit imitationis exemplum, ut quoties in mystico corpore alicujus communitatis absit caput, sive superior, loco illius substituatur, qui ejusdem Capitis Vicem gerat; propterea nos Apostolorum vestigiis inhærentes, volumus, & ordinamus, quod si Rector nostri Collegii absens fuerit, loco illius substituatur, qui ejusdem Rectoris, Vicem gerat, quem propterea Vice-Rectorem nuncupabunt; ita tamen quod si prædicta absentia non excefferit vnus mensis spatium, sit Vice-Rector antiquior Collegialium. Si verò plus temporis absentia excefferit à Collegialibus eligendus erit in loco ad congressus, sive capitula deputato, forma in supradictis electionibus jam stabilita.

§. II. **S**I verò acciderit, quod antiquior Collegialium sit Consiliarius, vel qui sit Consiliarius, nominetur Vice-Rector, volumus, quod clavis Archivi, quæ Vice-Rectori tradenda est, tradatur tunc Collegiali Secretario, ita ut semper supradictas tres Archivi claves in tribus distinctis Collegialibus separatim sint.

§. III. **H**ortamur tamen Collegiales, ut in ejusmodi electione, in qua sint sine clamide, curent eligere (quoad fieri possit) vel Collegialem antiquiorem, quem magis expertum in rebus Collegii censemus, vel si juxta obstet rationabilis causa, saltem ex antiquioribus illum, in quo & morum probitas, & majoris augmenti ardentior zelus dignoscatur. Huic Vice-Rectori parendum erit, sicut Rectori, si adesset; non tamen omnibus illis urbanitatibus, quibus Persona Rectoris publicè tractatur, sicut nec propria sede officii gaudebit, sed antiquiori Collegialium loco: verum sumptus, redditus, ac proventus Collegii cum Consiliariis administrabit modo, quo de officio Rectoris Statutum manet.

CONSTITUTIO IV.

DE NOMINATIONE, QUALITATIBUS, ET MODO recipiendorum Collegialium.

§. I.

Quia parum refert, magnam molem erigere, nisi & illam studeamus conservare, statuimus, & ordinamus, ut quandocumque vel mortis, vel promotionis causa, aliove titulo aliqua clamis, vel præbenda Collegialis vacans existat, Rector præfatam vacationem Collegio in congressu notam faciat, ut ejus prævia resolutione publicentur, & figantur edicta præbendæ, vel præbendarum vacantium, quorum notorietate præsententur oppositores ad dictam, vel dictas vacantes, qui postquam fuerint à Collegio ad concursum admisi, suamque oppositionem firmaverint, quindecim dierum spatio in edicto præfixo durante, usque dum impleantur, vis singulis diebus, manè, scilicet, & vesperè singulos Collegiales visitent per singulorum cubacula, ostendentes avidam suam sollicitudinem obtinendi prædictam Præbendam, & in patientia, & mansuetudine se exercentes.

§. II.

Item hortamur, & volumus, quod priusquam Collegium veniam concesserit, ut concurrant Collegiales, inquirent, & magno sigillo, quodam fieri possit, examinent, an eiusmodi prætendentes sint viri virtutibus dediti, in scientia habiles, pariter ac discreti, & cum bono nomine in sanguinis puritate. Quod si secus repererint, minimè illos ad concursum admitant, sed suaviori, ac decentiori modo ab eiusmodi prætensione illos removebunt, nullam in eis relinquentes spem de præfata clamydis affecutione.

§. III.

Item, ordinamus, quòd termino edictorum impleto, compareant prætendentes coram Rectore, & Collegio, ac præsentent Titulum verum gradum Bacchalaureatus in Sacris Canonibus, vel Theologia Universitatis nostrorù Dominiorù à nobis approbatæ, sine quo admitti ad concursum non debent. Qua præsentatione facta, eligent punctum, quod in tribus primis Magistri sententiarum, vel in quinque Decretalium libris, singulis prætendentibus obtigerit secundum sortem, more solito ter iniiciendam; de cuius distinctionis expositione, Theologicaque difficultate, vel Canonico Textu leget prætendens per unius horæ spatium post viginti quatuor, ab hora punctorum computandas; duoque ex Collegialibus, ad id designati illi arguent contra conclusionem deductam, vel plures iudicio Collegii, si sic expedire putetur, qui actus, volumus, quòd semper celebrentur in loco Capituli huius nostri Regalis Collegii coram Rectore, & Collegio, in eo congregato, ut rectum iudicium feratur de ipsius prætendentis sufficientia, & in hoc nullatenus dispensetur.

§. IV.

Item, conclusis his actibus, iterum congregabuntur Collegiales cum Rectore, (ut moris est) vel post oppositionem, si tempus super fuerit, & per secreta suffragia Scedularum cum A, & R. approbabit, vel, reprobabit, secundum quod per prædictum examen meruerit; & qui semel non modo approbatus, sed electus existat (in cuius approbatione & electione gravissimè conscientias Collegialium sub pena præstiti iuramenti oneramus sperantes, se postposituros omnes mundanos affectus omni cura, omnique sollicitudine, se exuentes ab omni humano respectu, & passione in tam arduo, tamque expediendi negotio) notitiam suæ approbationis, & electionis à Collegio factæ, per Familiares, seu *Famulos* dictos suscipiet, & statim progredietur ad dandas gratias Rectori, & Collegialibus pro merito favore, secum afferens præsentandum Memoriale Genealogicum, cuius tenore fient publicæ informationes de vita, moribus, & sanguinis puritate, modo infradicendo.

§. V.

Item statuimus, & ordinamus, ad Rectorem, & Collegiales debere pertinere nominationem, examen sufficientiæ, atque informationes proximè dictas sumendorum in Collegiales; quia experientia docet, frequenter oboriri ex aliena commissione jurgia, lites, scandala, & dissensiones, quæ omnia vitanda speramus, si ipsorum Collegialium zelo, & curæ de majori augmento, & honorificentia eorum, communitatis, ac Collegii, prædicta munera committamus.

§. VI.

Sed postquam à Collegialium capitulo sit aliqua clamis, vel Præbenda Collegialis vacans alicui concessa, priusquam hujusmodi clamidis concessio publicetur, debet à nostro Collegio, nostræ Regiæ Camera ratio reddi prædictæ concessionis à se factæ ad ejus approbationem, vt, hac obtenta, ad vltiora progrediatur.

§. VII.

Item volumus, quod, facta informatione de puritate sanguinis, vita, moribus, omnibusque ad prædictam Præbendam requisitis, Rector jubeat, congregari in loco Capituli omnes Collegiales, in quorum præsentia aperiantur chirographa informationum, & de verbo ad verbum per Secretarium legantur; quæ si his nostris Statutis conformia inventa fuerint, & à nostro Collegio approbata, assignabitur dies à prædicto Rectore, & Collegio, quæ opportunior videtur ad conferendam possessionem prædictæ investituræ, sive Præbendæ, quo die perveniente, duo Collegiales, ad id deputati, ad domum electi progredientur, & in medio eorum illum suscipiant, habitu Clericali indutum, & cum pileo loco galeri, sicque à Collegialibus illum a sociantibus Rectori præsentetur, postque Magistro Cæremoniarum tradatur.

§. VIII.

Interea Rector, & Collegiales in loco Capituli congregabuntur, ubi præfatus electus tonsus Cæremoniarum Magistro, Collegiali-que Secretario committatus, habituque Clericali præsentabitur Rectori, & Collegio, clamidis, sive Præbendæ possessionem petiturus: qua petitione facta, extra congressum egredietur, & dum ipsi solemniter conceditur per publica suffragia, seu vota, induat se habitu communi Collegialium (sine Clamide tamen) & ad primum signum cum Campanulla argentea à Rectore faciendum, iterum ad congressum accedet, pileo versus pectus apposito, & Magistro Cæremoniarum associatus; Rectorique facta venia, & ad ejus pedes genuflexus facit sequens juramentum à Collegiali Secretario ipsi tradendum, & auscultandum, stantibus omnibus.

JURA.

JURAMENTUM.

„ **E**GO D. N. juro per Deum viduum (extendit manus super Librum
 „ Evangeliorum) & per hæc Sacrosancta quatuor Dei Evangelia
 „ à me corporaliter tacta, me semper præstiturum debitam obedi-
 „ tiam in licitis, & honestis Domino meo Rectori: necnon curaturum
 „ majus augmentum, & vtilitatem non solum hujus Communitatis, &
 „ Collegii, verum etiam omnium, & singulorum Collegarum, in quo-
 „ rum recto consortio ero diligentissimus, & servabo omnia, quæ sta-
 „ bilita sunt, & servari debent ad conservationem, & meliorem guber-
 „ nationem hujus Regalis Collegii, ad cuius debitum servitium in mo-
 „ numentum meæ gratitudinis vsque in meam vltimam voluntatem,
 „ in quantum potuero, in servire non desinam. In super juro, me
 „ semper defensurum Immaculatam Dei Genitricem Mariam semper
 „ Virginem extitisse ab omni labe peccati originalis, In super juro, of-
 „ ficium secundum formam constitutionum assumere: sic me Deus
 „ adjuvet, & hæc quatuor Sacrosancta Dei Evangelia.

§. IX.

PRæcedenti juramento facto, Rector, & Cæremoniarum Magister
 clamidem ibi decentiori modo præparatam assumentes colloca-
 bant super humeros electi, intereà Rectore dicente: *Quia jam te nostro*
Insigni, Regali Collegio dignum judicavimus, concedimus tibi, & imponimus
nostram Regalem Divæ Catharinæ celestem Togam, ut possis uti, & frui om-
nibus Privilegiis, Prærogativis, Honoribus, & Exemptionibus nostro Regali
Collegio concessis, & in illius favorem indultis (utinam tibi majora pos-
semus concedere) ut meritis præditus ad majora valeas pervenire, & tandem
vitam æternam consequaris in nomine Patris, & Filii, & Spiritus Sancti.
Amen.

§. X.

Quibus finitis, sic constitutus Collegialis surgens amplexabitur
 Rectorem, & manu ductus per Cæremoniarum Magistrum si-
 militer amplexabitur cæteros Collegiales, & sedens loco sibi
 competenti Rectori, & Collegio repetet debitas grates ob honorem,
 ad quem illum assumere fuere dignati. Cui gratiarum actioni moder-
 nior è Collegialibus responsum dabit in oratione joco-seria ad id præ-
 parata, jucunda, sed modesta, & à jurgiis prorsus aliena. Quibus per-
 actis, Rector dissolvat congressum, & Collegialis jam receptus adduce-
 tur ad proprium cubiculum ei deputatum, vnde triduo nullatenus egre-
 ditur; sed ibi sistet Cæremoniarum studio vacando à Collegialibus
 observandarum.

Item, ordinamus, quòd duo consanguinei vsque ad tertium gradum nequeant esse simul Collegiales, quæ graduum computatio jure Canonico fieri debet. Item, quod nullus in nostro Collegio præcibus cujuscumque personæ, vel aliquo mundano respectu, vel sine particulari suscipiatur. Item volumus, quòd omnes naturales nostrorum Regnorum, & Dominiorum (si sint omnibus requisitis præditi) possint admitti, & recipi ad Præbendas nostri Regalis Collegii, & nulli alii.

CONSTITUTIO V.

DE OBSERVANDIS AB INFORMANTIBUS,
& de horum nominatione.

§. I.

Statuimus, & ordinamus, quòd nullus evehi possit ad Collegiaturas, sive Præbendas nostri Regalis Collegii, nisi prius constet, quòd gaudet iis qualitatibus requisitis, quarum informatio ita fiet: postquam electus in Collegialem idoneus in scientiis repertus, & approbatus fuerit per suffragia, seu vota secreta (servata forma, vt in electione Rectoris) eligent Collegiales, quem ex iisdem magis idoneum judicaverint, vt pergat ad locum, vel loca originis, nativitatis, & permanentis residentia tam electi, quàm suorum ascendentium, in quo, vel in quibus transcribet manu propria testimonia Baptismatis tam electi, quàm ejus parentum, & quatuor Aborum, & testimonia horum legitimarum deponationum, & secundum interrogatorium initio harum nostrarum constitutionum præfixum, & ipsi tradendum examinabit duodecim testes, & non pauciores, plures tamen, si conveniens putaverit.

§. II.

Item nolumus, ejusmodi Collegialem ad informationem faciendam destinatum egredi à Collegio absque Memoriali Genealogico ab electo oblato suorum parentum, & quatuor Aborum cum expressis nominibus, & apellationibus ipsis respondentibus, nec sine instrumento commissionis nostri supradicti Regalis Collegii per Collegialem Secretarium certificato, & sigillo Majori Collegii signato, nec sine interrogatorio similiter certificato. Item volumus, quòd prædictas Collegialis informans scribat, & extendat manu propria de verbo ad verbum omnia dicta duodecim testium, eaque, ac omnia testimonia subscribat. Quod si quis prædictorum testium non deponat vniformiter cum reliquis testibus, novi testes examinandi sunt circa rem, in qua à reliquis difert,

difert , referendo (vt dictum est) de verbo ad verbum dicta horum
testium de novo advenientium.

§. III.

INsuper volumus, quòd omnes deponentes, si scribere sciant, eorum
dicta juxta seriem interrogatorii propria manu subscribant. Si au-
tem aliquis testium per se ipsum legere velit suam depositionem, caveat
informans, ne deponens, vel qui vis alius cujuscumque qualitatis, vel
conditionis sit, secum ferat depositionem; sed semper præsens sit præ-
dictus informans, & secum custodiat, ne aliquid addatur, vel minua-
tur. Item prædictus informans esse diligens debet, ac cautus in servan-
do sigillo in informationibus; satagatque ulterius, quo titulo ad elec-
tum pertineant appellationes, quibus inscribitur, & an plures in vnicam
incidant. Quærat tamen, quare in vno loco sic vocetur, & in alio ali-
ter, si ita contigerit. Quod si quemvis suorum parentum, vel ascenden-
tium de loco ad locum transmigrasse repererit, examinet, qua de cau-
sa? An scilicet causa vitandæ alicujus notæ infamiæ, vel vilis exercitii.

§. IV.

Item ordinamus, quòd nullus testis ad deponendum admittatur, qui
suspectus sit de hæresi, vel aliqua quacumque infamiæ nota, sed
omnes testes debent esse bonæ famæ, ac melioris notæ, & quod non
sint consanguinei informati; de quorum testium circumstantiis, tres ad
minus testes debent deponere, qui sint timentes Deum, ac virtutibus,
aliisque qualitatibus supradictis præditi.

CONSTITUTIO VI.

DE JUDICE CONSERVATORE, AC PROTECTORE
nostri Collegii.

§. I.

VT ergo hoc nostrum Regale Divæ Catharinæ Collegium nostræ
Universitatis Granatensis firmius conservetur, ac ejus Rectori,
Collegialibus, & Familiaribus omnia Privilegia, exemptiones, hono-
res, ac præhæminentia vi harum nostrarum constitutionum, & nostri
Regalis Patronatus ratione, vel alio titulo correspondentes observen-
tur, & adimpleantur; ac in illis protegantur, constituimus, ac dicto
nostro Collegio nominamus Judicem Conservatorem, & Protectorem,
illum, qui nostram voluntatem in scriptis meruerit, cui tribuimus juris-
dictionem, & concedimus omnes facultates, quæ Judicibus Conserva-
toribus aliis Foundationibus nostri Regalis Patronatus dictæ Civitatis
Granatensis datis attinet, & vt talibus correspondent.

§.

§. II. **I**tem volumus, ordinamus, & statuimus, quòd dictus Iudex Conseruator audiat, & admitat apellationes ab eo ad nostram Cameram (cui vnice, & privativè attinet cognitio omnium causarum dicti nostri Regalis Collegii Divæ Catharinæ Martyris, & ejus singulorum Collegialium, ac Familiarum) interpositas, & ad eum ab aliquo ex Collegialibus de resolutionibus dicti nostri Collegii: sed nullatenus procedat sola relatione ab apellante facta, sed prius omni cura, & diligentia debet se informare à nostro dicto Collegio de omnibus rationibus, & causis moventibus ad talem resolutionem, consulens valdè honori, & gravitati nostri Collegii, adversus quam præmaturè procedit volumus. Quod omne supradictum nostrum Regale Collegium servare, & servari sibi faciat; & si aliter, & non supradicta forma procedatur; nullatenus obedire teneatur, & ad nostram Regiam Cameram statim recursus fiat, & hæc nostra statuta adimpleantur, & adversus ea nemo juberè, nec procedere possit.

§. III.

Item ordinamus, volumus, & advertimus, quòd nobis, ac nostræ Regiæ Cameræ reservamus, nominare Visitatorem nostri Regalis Divæ Catharinæ Collegii semper, ac quando opportunum judicemus, ut dictum Collegium visitet tempore, modo, ac forma nobis visis convenientibus.

CONSTITUTIO VII.

DE COLLEGIALIBUS CAPPELLANIS.

§. I.

Cum Sancta Ecclesia nos doceat, Divino cultui debere esse semper intentos; volumus, & ordinamus, quòd ultra tredecim statutos Collegiales sint in prædicto nostro Collegio alii duo Sacerdotes, qui erunt similiter, ac reliqui Collegiales Theologi, vel Canonistæ, & in Sacris Theologia, vel Canonibus saltem gradum Bacchalaureatus obtinentes; in quorum receptione, & admisione idem modus eligendi, idem examen, eadem informationes, & eodem modo, quo in cæteris Collegialibus observandæ erunt sine vlllo alio discrimine, nisi quòd dicti Collegiales Capellani pro tempore existentes non habeant vocem activam, nec passivam, hoc est, nec possint eligere, nec eligi, nec se intromittere resolutionibus, aut congressibus Collegialium vocalium; quòd minimè intelligatur de Collegialibus Capellanis actualibus, sed de eligendis in posterum. In cæteris autem tractabuntur om-

ni aſabilitate, & vrbanitate, qua cæteri Collegiales: in quibus omnibus, & in aliis ſemper ſervabitur diſpoſitum in fundatione harum duarum Regalium Capellaniarum à Domina, Domina Maria de la Paz, Hiſpaniarum Principe facta.

§. II.

Item volumus, quòd cum vacans exiſtat Præbenda alicujus Collegialis vocalis, ejuſmodi Collegiales Capellani poſſint, & debeant præferri ad illam. Quod ſi acciderit ejuſmodi tranſitus, loco promoti alter Collegialis Capellanus eligendus erit: ſin autem Collegialis Capellanus quadraginta annos etatis excedat, vel conſanguineum vocalem in gradu ſupradictò habeat, nullatenus in Præbendam vocalem promoveri valeat.

§. III.

Item ordinamus, quòd in omnibus congreſſibus extra Collegium habendis dicti Collegiales Capellani ſedeant cum Collegio poſt vltimum vocalem: ſed gaudeant jure prælationis etiam inter vocales ad oppoſitionem alicujus Præbendæ Cathedralis Ordine antiquitatis ab ingreſſu, ſapius, & cum oportuerit (vt infra dicendum eſt) ſervato. Item volumus, quòd ſinguli Collegialium Capellanorum per ſucceſſivos annos habeant curam de decentia Capellæ noſtri Regalis Collegii, & de ornamento diei Sanctæ Catharinæ Martyris dicti noſtri Collegii Tutelaris apponendo.

CONSTITUTIO VIII.

DE MODO CELEBRANDI CONGRESSUM, SIVE CAPELLAM.

§. I.

Quoniam per Sacroſanctum Dei Evangelium promiſſum eſt, quod vbiſcumque duo, vel tres congregati fuerint in nomine Dei, ibi erit in medio eorum, volumus inſuper, ſtatuiſſimus, & ordinamus, quòd pro rebus ad gubernationem noſtri Collegii pertinentibus reſolvendis Collegiales congregentur in loco ad id deſignato de juffu Rectoris, qui pridie ad celebrationem congreſſuum notam faciet per familiarem horam congreſſus celebrandi, & cui rei celebratur; niſi vrgentiſſima cauſa pridianam citationem impediât, quam citationem facere jubebit in infirmitatibus, vel Rectoris abſentia Vice-Rector, vel ſi hic non fuerit nominatus, antiquior ex Collegialibus.

§. II.

Item volumus, quòd quando alicui Collegialium videatur, opus eſſe congreſſu ad rem aliquam pertractandam, nuntiabit Rectori,

ut hic jubeat, congressum celebrari; verum si sine nota causa id facere Rector recussaverit, prædictus Collegialis per Collegialem Secretarium semel, atque iterum petat Rectorem, eique notum faciat, quòd si libenter congressum retardaverit, præparabitur congressus de jussu Vice-Rectoris, vel antiquioris Collegii: & ejus foribus clausis, omnibusque Collegialibus horà præcitata simul convenientibus, ac suis locis respective sedentibus, ingredietur Rector, ad cujus introitum omnes stabunt, discoopertis capitibus, pileisque ad pectus appositis, quòd usque sedeat in sede sui officii; & signo facto cum Campanulla, ut Familiares à loco congressus recedant, & ostia congressus custodiant, proponet rem, circa quam congressus versabitur, per hæc verba: *Vestram dominationem congregandam fore judicavi, ut &c.* Et materiæ propositione à Rectore facienda finita, discooperit caput, ut singuli loquantur, quorum antiquior incipiet, discooperiendo se in principio votationis, & sic similiter singuli juxta vniuscujusque antiquitatem.

§. III.

Item volumus, & ordinamus, quòd, ut in omnibus, quòd ad fieri possit, dignitati Rectoris consulatur, hic suum votum non declaret, usque quò reliqui omnes rem voterint, ut sic adimatur occasio frustrationis sui voti, quòd semper applicabit parti prævalenti, vel illis, quibuscum saltem medietatem votorum constituat (ut justum illi visum fuerit) quo in casu in sui favorem tenebit votatio, sed hoc Rectori tantum liceat, cum votatio publicè fiat, & non in electionibus secretò faciendis. Quam determinationem Collegialis Secretarius subscribet statim in libro deputato ad acta Capitulorum per ipsum firmanda post subscriptionem Rectoris.

§. IV.

Item volumus, quòd si aliquis Collegialium (quamvis antiquior) congressum ingrediatur post inceptam votationem (quòd non nisi urgente de causa contingat) hæc prosequenda erit ordine, quo inveniat, ad hoc, ut certioratus de re, quæ tractatur, plena notitia iudicium ferat, & sic serò ingrediens ultimus votabit.

§. V.

Item cavemus, nè in prædictis congressibus sint rixæ, voces, vel dissensiones, sed omni modestia, & silentio procedendum est, vnoquoque in suo loco loquente, nullatenus alium, & si moderniore, interrumpendo, sed cuique vicem integram sinant suo loco loquendi, quòd si ex serie votorum necessum alicui videatur aliquid addere, vel minuere, non id statim faciat, sed spectet, donec omnes sua vota concluderint, ut sic disputationibus, & controversiis locus prorsus vitetur;

singuli in suo iudicio explanando consulant brevitati, claritati, ac gravitati resolutionis in materia proposita.

§. VI.

Item volumus, & ordinamus, quòd singulis anni mensibus prima die non impedita, clausisque Collegii foribus, congregentur dicti Collegiales cum Rectore ad examinandas res ad meliorem Collegii gubernationem pertinentes, necnon ad distributionem sumptuum inquirendam, & approbandam, & ad discernendum quidquid meliori regimini magis expediens visum fuerit. In hoc congressu annotabuntur in libro ad id designato rationes distributionum æconomicarum Collegii mensis præcedentis omni distinctione, & claritate possibili, per singulos dies discurrendo, quid vnoquoque die expensum fuerit.

§. VII.

Item volumus, quòd vniuscuiusque mensis die quinta decima similiter conveniant omnes Collegiales in loco congressus ad corrigendos defectus (siqui fuerint) in morum, constitutionum, & cæremoniarum observatione occurrentes; prædicti tamen defectus explicabuntur, quin nominentur personæ deficientes, sed in communi exponentur, & lenitèr corrigentur, modestiam, constitutionumque observantiam persuadendo. Si aliquis tamen hac lenitate abutatur, & in majora labatur, nominatim corrigendus erit: & si tales defectus inveniantur, ut opus sit aliqua pænâ, delinquens egredietur de loco congressus, & in ejus absentia reliqui Collegiales sententiam ferent circa punitionem delinquentis gaudentes omni libertate christiana in spiritu lenitatis, & sancti timoris Dei.

§. VIII.

Item pænâ delinquentibus applicandæ juxta delictorum naturam erunt ablatio alicujus, vel aliquarum partium alimentorum, incarcerationio, privatio vocis activæ, vel passivæ, vel utriusque, vel sublatio facultatis egrediendi de domo, vel impositio tyrocini per aliquot menses, vel aliæ similes iudicio Collegii ferendæ. Quòd si hæc, & si adeò graves non suffecerint, delinquenti notum fiet, quòd si emendare noluerit, & inveniatur, quòd relictus à Deo in manu consilii sui adhuc labatur, pribabitur clamyde, & delendus erit de numero reliquorum Collegialium: Quam pribationem dicti Rector, & Collegiales per se, & juxta facultatem illis per nos his constitutionibus impartitam exequi valeant, à quibus appellare liceat ad Judicem Conservatorem hujus nostri Collegii, qui procedere teneatur juxta formam à nobis supra assignatam.

§. IX. **I**tem volumus, & ordinamus, quòd si quis delinquentium subjici renitatur pænis per nostrum Regale Collegium justè impositis, vel si à nostro Regali Collegio designatus in aliquod munus, vel circa aliqua justa, & rationabilia jussus à Rectore in obediens permanere præsumpserit, semel, & iterum præmatur à Collegio in congressu ad coerendam inobedientiam, & ad sui emendationem sub pænis antea dictis, præcipuè sub pæna præstiti juramenti, ac cum declaratione futuræ pibationis clamide; quòd si, his non obstantibus, obedire renuerit, pibabitur ipso facto, & delebitur de libris præfati nostri Regalis Collegii in proximè data forma.

§. X. **I**tem volumus, quòd si quis Collegialium in prædictis congressibus exegerit, ut vöcatio celebretur per vota secreta, per publica nullatenus fiat, ut sic liberiùs procedatur in decernendo, sed hoc fiet justa, & vrgenti interveniente causa, ut Rectoris voti qualitati non præjudicetur. Item si quis Collegialium, gravitate negotii perpensa, reclamaverit, egèrè tempore, ut rem maturius consideret, illi concedendum erit trium saltem dierum spatium, nisi vrgentissima, & evidens adsit brevitas causa.

§. XI. **I**tem volumus, quòd dicti Collegiales tali cura, gravitate, ac maturitate procedant in rebus definiendis, ut eorum resolutio stare queat, quin in novò congressu opus sit revocatione: verum si aliqua rationabili, justà causa superveniente, talis revocatio conveniens judicetur, fiet non nisi trium partium votorum duabus integris in revocatione convenientibus: aliter facta revocatio nulla profus, & innanis censeatur, & priori resolutioni omninò standum erit.

CONSTITUTIO IX.

DE OFFICIO RECTORIS.

§. I.

Rector reliquorum Collegialium caput, præferens exemplum Salvatoris nostri Jesu Christi, qui, cum esset caput hominum, & Angelorum, non fuit dedignatus, fieri obediens vsquè ad mortem, erit primus, & exactior in obediendo his nostris constitutionibus, omnibus præcellens in modestia, & gravitate, quæ decet omnes Collegiales, & præcipuè officium Rectoris, qui præter cætera cæteris communia, observabit sequentia. Volumus item, quòd Rector dicti nostri Regalis Collegii Divæ Catharinæ Martyris Vniversitatis Granatensis, quàm
rariùs

rariùs possit extra domum concurrat: vbi autèm concurrere teneatur, primam sedem occupabit consulens dignitati sui officii, & pro viribus curet abesse, vbi meliorem, ac decentiorem locum obtinere non possit.

§. II.

Item volumus, quòd dictus Rector semper secum habeat in Camera Rectorali vnum saltem ex Familiaribus (vulgò Famulis) qui illum moneat de Rectorem invisentibus, quiquè dignitati Rectoris inserviat. Item dùm è Collegio exeat dictus Rector, semper associabitur aliquo ex Collegialibus, sine quò nullatènus egredietur. Collegialis autèm illum associans sempèr gradietur post Rectorem, ab illo distans per duo passuum. In occurstu autèm alicujus viri, cum quò incedere teneatur, numquàm advenientem in medio suscipiet, sed ad latus illum portabit, quo in casu Collegialis comitans locabit se ad sinistrum latus Rectoris, vt hic principalem occupet locum: si vero occurrens sit tali dignitate constitutus, vt prudenter iudicet Rector, malè habiturum, locum cedere, ab occurstu recedat, in quo nimis cautè procedendum, & ab huiusmodi concursu semper abstinendum est.

§. III.

Item volumus, quòd in Camera Rectorali sit semper specialis sedes pretioso ornatu decorata, & semper versa versus parietem frontis Rectoralis, tamquam suo Patrono, & Augusto Fundatori reservata, in qua nulli Collegialium sedere liceat, sed solus Rector ex nostra voluntate, & indulgentia illam occupabit: non tamen semper, sed in possessione alicujus clamidis, vel Præbendæ Collegialis, & in publicis congressibus: qui si extra domum Collegii quandoque occurrent, stabunt duo Familiares, singuli ad singulas extremitates nostri Collegii in cæremonia appositi, quorum antiquior sit ad latus Rectoris, & modernior ad latus Collegialis modernioris inter se claudentes corpus Collegii.

§. IV.

Item volumus, quòd in primo egressu de nostro Regali Collegio illum comitetur Rector præcedens loco supra assignato, quamvis hic sit antiquior Collegialium, vt magis firmetur novus Rector in possessione sui officii, & ob alios sanctos fines. Item volumus, quòd quoties domi, vel extra illam quivis Collegialium eorum Rectorem obvium habuerit, statim sistat, vsque quò Rector evadat, vel ei signum faciat, vt progrediatur: Rector tamen incedet, nullà factà venià, nequè Collegialibus occurrentibus quidquam loquendo, sed tantùm, dùm in conspectu illorum gradiatur, pileum tollat, & reponat, Collegialibus sistentibus, pileis ad pectus appositis, vsque dùm illum non videant.

A Primo manè vsquè ad horam silentii ostia Rectoralis nullatenus claudantur, nisi in illo sistat Collegium in celebratione Congressus; vel sint Rector, & Consiliarii ferentes rationem distributionis sumptuum, vel aliud negotium Collegii pertractantes. Item volumus, quòd si Rector fecerit aliquid sinistrè contra vtilitatem, bonum statum, ac statuta nostri Collegii, moneatur, & corrigatur, sicut quilibet Collegialis, vt supradictum est; & si emendare se renuerit, deponatur, & ejus loco alter eligatur: sed hoc fiet, duabus partibus Collegialium, ternario numero dividendis, ita sentientibus.

Item si Rector aliquid præcipiat contra aliquem de domo, & videatur aggravari, adeat Collegium, cui omni, vel majori parti si visum fuerit, illud esse illicitum, Rector teneatur revocare: si non ita videatur, valeat factum à Rectore. Volumus, & ordinamus, quòd in fronte Cameræ Rectoralis ponatur sub Peristromatè (vulgò Dofel) Imago Augustissimi Imperatoris Caroli Quinti, vtpotè hujus nostri Regalis Divæ Catharinæ Collegii Fundatoris, ac ita semper apposita permaneat.

CONSTITUTIO X

DE MAGISTRO CÆREMONIARUM.

POPULO DEI ELECTO, NON SOLUM PRÆCEPTA, sed etiam cæremoniæ, quibus Deo inserviret, per Moysen tradita fuerunt, vt habetur in Deuteronomio: *Audi Israel Cæremonias, atque judicia, quæ ego loquor in auribus vestris hodie, discite ea, & opere complete.*

Volumus, ergò, & ordinamus, quòd Collegiali antiquiori, qui officium Rectoris non exerceat, munus sit, satàgere, & zelare observantiam Cæremoniarum, quibus tribus primis diebus, ab ingressu in Collegium computandis, singuli Collegialium sunt instruendi; qui propterea Magister Cæremoniarum nuncupandus erit: dicti Magistri Cæremoniarum curæ sit, vt singulis Collegialibus à primo die, quo possessionem Præbendæ, sive clamydis obtineant, tradatur liber constitutionum, & Cæremoniarum, quibus instructi sua quisque valeat officia exercere. Idem Cæremoniarum Magister debeat corrigere defectus

rus reliquorum Collegialium (si qui fuerint) & si pro defectuum emendatione sua correctio non suffecerit, in congressu singulis mensibus celebrando pro defectibus corrigendis, notos faciet, quos invenerit defectus, ut a Collegio notentur, corrigantur, & si oportuerit, convenientibus penis puniantur.

§. II.

Item volumus, quòd in omnibus congressibus, aliisvè communitalis actibus dictus Magister Cæremoniarum moneat, quid hic, & nunc fieri debeat, quà vè formà: Cujus asserto omnino standum est absque contentione. Quòd si aliquandò dictus Cæremoniarum Magister errasse, comperiatur in publicis functionibus, illi erit obediendum; & postea in Capella pro defectibus corrigendis monebitur de sui officii exactiori disciplina, instructione, & observatione.

§. III.

Item in vacatione alicujus Collegialis Præbendæ, seu clamidis doceat Oppositores, qui comparuerint, quos, quibus horis, quoties, & quà formà visitare teneantur pro admissione ad concursum; & semel admissos instruat de agendis tunc temporis, & de stipendiis ipsi tradendis pro celebratione possessionis, si digni fuerint reperti. Si quis Collegialium ad gradum Licentiatus, vel Doctoratus ascendere velit, vel Cathedris vacantibus nostræ Vniversitatis oppositionem facere, præmonendus erit à Magistro Cæremoniarum de omnibus à jure, vel consuetudine agendis in hujusmodi casibus, & functionibus. Insupèr curabit, ut tempore ad Studium designato magnum domi servetur silentium.

§. IV.

Item volumus, quòd ad dictum Cæremoniarum Magistrum pertineat disponere, quòd tintinabulum Collegii per integrum diem tangatur (præterquàm in horis silentio, & quieti Collegialium deputatis) semper ac Collegium certum fiat de ascensu, & promotione alicujus Collegialis in aliquam Præbendam, Dignitatemvè. Necnon curet, ut scamna Collegii cum Sede magna Rectorali portentur ad locum, in quo Rector, & Collegiales sunt publicè congregandi extra Collegium, in quorum conspectu ponatur pannum magnum sericum (quod in posterum sit ejusdem coloris, ac clamys) cum Scuro nostrorum Regalium Armorum, quæ sunt insignia nostri Regalis Collegii.

§. V.

Item Magistro Cæremoniarum cura sit, ut servetur, & conservetur vniformitas coloris panni, tam clamidis, quàm epitogii; ita ut omnium Collegialium investitura sit ejusdem, ac illius coloris, quem
suprà

suprà ordinavimus, in cuius observatione Rector, & quilibet Collegialium invigilare teneantur. Item dictus Magister Cæremoniarum curet, quòd Familiaris Hæbdomadarius fores Collegii claudat, & adaperiat; ac tangat tintinabulum Collegii, antequàm ejus fores claudantur.

§. VI.

Dictæ fores apperiantur à die Dedicationis Sancti Michaelis Archangeli vsque ad Pascha Resurrectionis Domini hora sexta Matutina; & à dicto Paschate vsquè ad Festum Dedicationis Sancti Michaelis hora quinta matutina. Claudantur autem omni tempore hora vndecima ante meridiem, & post Orationem Angelicam (vulgò las Ave Marias) nisi Rector, vel aliqui Collegiales, à Collegio missi, ad aliquam legationem, comperiantur extra Collegium, tunc non claudantur, vsque quòd Rector, vel dicti Collegiales legati advenerint. Fores dicti Collegii semel clausas nullo motivo, prætextu vè, quantumvis gravi, aperire liceat, nisi de vnanimi consensu Rectoris, & Consiliariorum, rarò, vel numquàm præstando; claves autem apud Rectorem deponantur.

CONSTITUTIO XI.

DE OFFICIO SECRETARII NOSTRI COLLEGII.

CONTRA TEMPORUM VETUSTATEM, CELEBRIORA mundi monumenta consumentem, Spiritus Domini instituit sacros scriptores, quorum ope antiquiora opera oblivione deleta consurgerent, & posteris omnibus patefierent.

§. I.

EA propter volumus, & statuimus, modernioribus ex Collegialibus munus Secretarii vni competat, eligendo ex eis habiliorem, per quem gesta Collegii secretiora, in congressibus acta, scribantur in libro pro dictis gestis scribendis habendo: vt si in posterum, super aliqua re decernenda, dubium, vel contentio suboriat, vel quis Collegialium jam decreta aliter praticare præsumperit, per prædictum librum habeatur recursus, vt decreta Collegii firma, & stabilia serventur: & prædicti Collègialis Secretarii scripta à se signata fidem facere volumus; in quo libro scribantur omnes electiones reliquorum officialium dicti nostri Collegii, sicut quævis alia solemniter decreta.

§. II.

Item ordinamus, quòd sit alter liber, in quo dictus Secretarius scribat admisiones, & possessiones omnium, & singulorum, in Collegiales recipiendorum, assignando diem, annum, & mensem, ac Collegiales, quibuscù celebrata fuit ejusmodi electio, receptio, & possessio. Necnon scribat diem, & annum, quo quivis Collegialium è Collegio recedit, & munus, ad quod recedit; & si decursu temporis ad alia munera, Præbendas, seu dignitates fuerit promotus, similiter in hoc libro annotabit, vt memoriæ posterorum commendentur.

§. III.

Item statuimus, quòd de illis omnibus, quæ in prædictis libris à dicto Collegiali Secretario sic fuerint scripta, poterit de licentia Rectoris, & Consiliariorum, vel si gravitas materiæ id exigat, de licentia Collegii, certificare in scriptis ad partis petitionem, quam certificationem cum Sigillo majori nostri Regalis Collegii signatum, & à dicto Secretario subscriptum, tam in iudicio, quàm extra illud fidem facere, statuimus. Liber Capitulorum Collegii sit in Camera Rectorali; admissionum autem Collegialium sit in Archivo Collegii.

§. IV.

Item volumus; quòd dictus Collegialis Secretarius scribat acta Collegii statim post celebrationem congressus in eadem Camera Rectorali coram Rectore, & Consiliariis, vt prædicta acta Collegii firmioribus rubricis exarentur. Item annotabit in Libro actuum Capitulorum puncta, quæ Oppositoribus obtigerint, & illud, quod electum fuerit ab vnoquoque pro oppositione facienda.

§. V.

Item dictus Collegialis Secretarius epistolas missivas Collegii scribet, & antequàm subscribantur, tradet Rectori, & Consiliariis, vt si opus fuerit, illas corrigant, & conformiores reddant: quas sic emendatas Rector, & Consilarii subscribent, & post illos Collegialis Secretarius. Epistolas autem ad Ecclesiæ Prælatos, vel Ecclesiarum Capitula, seu magnos Castellæ Heroes mitendas, scribet solita vrbantate. Ad Acta Capitularia, aliavè in ipsa celebratione congressus scribenda, sedebit in infima parte, sive in inferiori extremitate mensæ Rectoralis. Item dictus Secretarius intimabit, sive nota faciet, cui oportuerit, decreta, penas, monitiones, & si quæ sint alia, cuius Collegialium, officialium, & Famulorum de jussu Rectoris, & nostri Collegii, notificanda. In omni similiter eventu, in quo aliqua petitiones, notificationes, & alia id generis debeant Collegio notafieri, dictus Secretarius, prius obstanta licencia, nota faciet.

CONSTITUTIO XII.

DE OFFICIO PROVVISORIS, ET BIBLIOTECARII.

§. I.

Quia Rector, & Consilarii non possunt in rebus subalternorum Officialium esse semper intentos, nec decet Rectorem, hiscè versari, volumus, quòd moderniori Collegiali Officium Provvisoris pertineat, cujus munus erit, coco providere de omnibus ad prandium, & cœnam necessariis, necnon curare de promptitudine, copia, & munditie alimentorù, atque de eorum jucundiori condimento secundum dierum solemnitates. Item curam habeat, ne Familiares, seu Famuli, sint negligentes in mundando, & everrendo Refectorio, ut hora solita parata sint omnia, quæ ad prandium, sive cœnam requiruntur: & ut Famuli promptiores reddantur, ultimo quadranti horæ ante prandium ipse Provvisor ad Refectorium properabit, ut de his omnibus fatagat.

§. II.

Item præsens erit, dum cocus portiones carnis, & piscium scindat, ponderet, & distribuat. Si verò vel in coco, vel in aliis Officialibus subalternis omissionem, vel negligentiam in suis respectivis Officiis corrigendam repererit, illos per se moneat, & corrigat; & non emédatos Rectori denuntiet, ut vel ipse, vel Collegium secundum qualitates defectuum judicium ferat de pœna ipsis imponenda. Si pro solemnitate alicujus diei dubium patiatur circa disponenda pro decentiori prandio, vel cœna, vel circa majores sumptus, in illis impartendos, aderit Rectorem, & Consilarios, quibuscum aget de suborto dubio, & quam tulerint ipse Rector, & Consilarii resolutionem, executioni mandabit.

§. III.

Item ordinamus, quòd tempore supra statuto ad eligenda officia vnus ex Collegialibus eligatur in Bibliotecarium per publica suffragia, apud quem sit vna ex duabus clavibus librariæ, quæ tribuatur Collegialibus volentibus studere; & altera sit apud Rectorem. Hujus Bibliotecarii munus sit curare, ut per Familiares, vel per alium servitorem dicti Collegii tergantur (saltem ter in anno) libri dictæ Librariæ, & ut hæc mundetur. Item, quòd in dicta Librariâ sit atramentum calamis, & atramentario scriptorum paratum.

§. IV.

Item volumus, & ordinamus, quòd singulis annis intra mensem Decembris coram Consiliariis tradantur omnes libri dictæ Libra-

ria à Bibliotecario, & Rectore antecessoribus per inventarium novis Bibliotecario, & Rectori; quòd inventarium servetur in Archivo dicti nostri Collegii, subscriptum à Rectore, Bibliotecario, & Consiliariis; & dictos libros nullus eorum possit intra, vel extra Collegium alicui commodare ad scribendum, nec ad studendum, nec à Libraria extrahi à Rectore, & Collegialibus. Si tamen quis contrarium fecerit, possit à Collegio puniri; & in hoc valdè solliciti debent esse Bibliothecarius, & Rector, utpotè reddere tenentur per inventarium omnes libros eorum successoribus.

CONSTITUTIO XIII.

DE OBSERVANDIS A TYRONIBUS TEMPORE TYROCINII.

§. I.

Moderniores Collegiales magis instructos esse oportere, est perspicuum, in statutis, legibus, ac caremoniis, quas observare tenentur toto temporis curriculo, quo in nostro Collegio extiterint: Propterea volumus, quòd Magister Caremoniarum vigilantior sit in Tyronibus instruendis, illisque in patientia exercendis. Post tri-duum ergò in suis cubiculis observatum scribent Canonicis, dignitati-bus, vel in aliis muneribus constitutis, qui sint, vel fuerint Collegiales dicti nostri Collegii, obtentam possessionem Præbendæ, vel in vestitu-ra Collegialis, ut tales habeantur, & existimentur.

§. II.

Item ordinamus, quòd primi sex mensibus à possessione clamidis dicti Tyrones fugiant publica conventicula cum Collegialibus antiquis, & non, nisi vocati, antiquiorum Collegialium cubicula in-grediantur: sed suo quisque in cubiculo erit vacans literarum, constitu-tionum, ac caremoniarum studio. Item si quis moderniorum Colle-gialium aliquem ex antiquis obvium habeat, statim sistat, aperto capi-te, & pileo ad pectus apposito, & sic erit, donec Collegialis antiquus processerit.

§. III.

Item volumus, quòd nullus moderniorum Collegialium pro duobus primis Tyrocinii annis de domo Collegii, vel solus egrediatur, vel cum aliquo ex modernioribus, sed semper egrediatur associatus cum Collegiali, qui duos integros Tyrocinii annos transegerit, & cum ex-pressa Rectoris, vel Vice-Rectoris licentia. Item ordinamus, quòd cum quis Collegiarum antiquorum moderniore citaverit, ut illum comi-tetur, statim, facta venia, sumat clamidem, & hac more solito in hu-meros

meros posita, descendat ad inferiores columnas Collegii, vniue ex illis adhærens sistat stans, vsque quò Collegialis antiquus adueniat egressurus, quem comitabitur ad sinistrum latus per vnum passum ab illo distans; & vbi cumque fuerint, modernior non loquatur, nisi de licentia prævia antiquioris. Quòd si Rectorem comitetur quivis Tyro-num, procedat post illum per duos ferè passus distans, & nulli loquatur, sed ad brevissimè loquendum veniam à Rectore petat.

§. IV.

Item in dictis Tyrocinii annis per Collegium non gradientur sine pileo, sed semper incedant cum integro vestitu Collegiali præter clamidem, qua vtebuntur, quando ceteri Collegiales illa vtantur. Item semper incedant modesti, & antiquis summissi, non loquentes nisi rogati, & quibus possint, paucioribus verbis, vt in omnibus appareant modestiæ speculum.

§. V.

Item ordinamus, quòd non liceat dictis Tyronibus, cum Familiari-bus incedere, nisi post transactos duos Tyrocinii annos. Et eis-dem annis durantibus, si quis Tyronum fuerit Sacerdos, Sacrum confi-ciat in Capella nostri dicti Collegii, & non alibi, nisi cum Rectoris licentia. In omni eventu, in quo concurrant cum aliquo Collegiali ex antiquis, locum inferiorem semper occupabunt, nec sedebunt, nisi prius petita licentia. In reliquis omnibus observabunt dicti moderniores Cæremonias à Magistro Cæremoniarum ipsis docendas.

CONSTITUTIO XIV.

DE CONFERENCEIS LITTERARIIS.

§. I.

Quoniam per non vsum omnia indeterius declinant, volumus, & statuimus, quòd à die Dedicationis Sancti Michaelis Archàngeli, vsque ad Pascha Resurrectionis Domini singulis Hæbdo-madis bis, scilicet feria quarta, & Sabbato cuiusvis Hæbdomadæ (nisi iusta causa interveniat, vt ad alios dies transferatur) per integram ho-ram Collegiales congregentur ad conferendam aliquam quæstionem Theologicam, Scholasticam, Positivam, vel Moralem, vel Canoni-cam, quæ assignata, & subscripta à singulis Collegialibus deffensanti-bus, figatur singulis Sabbatis manè in loco ad id designato: hora verò diei pro huiusmodi conferenceis habendis assignanda erit à Rectore; & tam in deffendendò, quàm in arguendo seruetur ordo antiquitatis Collegialium, incipièdo à modernioribus in deffendendo, in arguendo
verò

verò ab antiquioribus; ita vt modernior proponat, & deffendat, & moderniori duo antiquiores, vel plures, si tempus superfit, argumententur: & sic deinceps deffensio ascendat per Collegiales à moderniori ad antiquiorem, argumenta verò ab antiquiori ad moderniore defcendant.

§. II.

Item volumus, Rectorem pluribus negotiis intentum non includi in prædicto ordine, sed quòd sit exceptus à deffendendo, & arguendo: teneatur tamen saltem dictis conferentiis inter esse, vt zelet modum, & profectum reliquorum Collegialium; & liceat ipsi Reçtori, non tamen teneatur, aliquando arguere possibili brevitate, ac gravitate, quæ decet decorem sui Officii. Quòd si aliquando propter aliquam justam causam post inceptam propositionem quæstionis Reçtor adeat locum conferentiarum, incedet, duobus Familiaribus passim præeuntibus, & ad introitum dicti Reçtoris surgent omnes Collegiales, qui, Reçtore sedente, sedebunt, & antiquior narrabit Reçtori statum propositionis quæstionis, qua audita, jubeat Reçtor, prosequi proponentem in explanatione quæstionis conferendæ, vel arguentem in argumento. Argumenta verò ad signum Reçtoris finiantur.

CONSTITUTIO XV.

DE OBSERVANDIS A SINGULIS COLLEGIALIBUS.

§. I.

Sicut omne corpus loco motivum anima regitur, sic corpus cujuscumque communitatis debet animari, gubernari, & regi vrbanitate, gravitate, modestiæ decore, ac Sancto Dei timore, qui sapientiæ initium est; quæ omnia decent sanam, & sanctam educationem, in qua splendere volumus omnes Collegiales: ideo in primis statuimus, & ordinamus, quòd omnes Collegiales confiteri, ac Sacrosanctum Christi Corpus assumere Festivitatibus sequentibus teneantur. In feria quinta Dominicæ cænæ Reçtor, omnes Collegiales, & Familiares cum Collegii servitoribus pro Communitate Sanctam Eucharistiam suscipiant in dicti Collegii Parochia eadem forma, ac solemnitate hætenus observatis, pro præcepto nostræ Sanctæ Matris Ecclesiæ adimplendo, prius omnibus Collegialibus inter se veniam petentibus, ad invicemque se amplectentibus. Item in Pentecostes prima die, ac diebus Assumptionis, & Conceptionis Dei Genitricis Virginis Mariæ, vel in Capella Collegii, vel in alia Ecclesia.

§. II.
Item statuimus, & ordinamus, dictos Collegiales tam inter se, quam apud straneos exactissimè observare omnem urbanitatem, & modestiam, in quo diligentissimè se gerat Cæremoniarum Magister, ut ab omnibus observetur, quatenus in ejus observatione est vita, decor, & splendor nostri Regalis Collegii. Itaque Tyrones antiquis, antiqui antiquioribus, antiquiores verò Rectori protinus subjiciantur, illumque toto cordis affectu reverebuntur, illi in omni eventu meliorem locum præstando, & omni summissione alloquendo.

§. III.
Item ordinamus, quòd cujuscumque qualitatis, vel antiquitatis Collegialis sit, si intra, vel extra Collègium Rectorem obvium habeat, sistat, cedendo Rectori opportuniorem, decentioremque transitum, & nullatenus illinc dimoveatur, vsque quò Rector saltem per decem passus recesserit, & si locus non sit adeò distans, vsque quò non videatur, ut alibi relinquatur statutum. Si verò vel in Ecclesia, vel in Univeritate, vel in Regali Chancellaria, aliove simili publico loco apparuerit, Collegialis, seu Collegiales illum videntes sistant in cæremonia appositi, signum Rectoris expectantes, ut à loco recedant.

§. IV.
Item volumus, quòd si Collegialibus in aliquo loco tum publico, tum secreto congregatis, Rector advenerit, omnes surgant, qui nè sedeant, vsque quò Rector transiens sederit. Si verò cum Rectore Collegialibus congregatis, quivis Collegialium advenerit, distans per decem saltem passus, sistat, in cæremonia possitus vsque ad signum Rectoris, quò factò, caput inclinandò, ad suam transeat sedem. Item nulli locorum quis Collegialium occupet locum superiorem in conspectu Rectoris; nec cum illo concurrat, ubi facie ad faciem illum videat: quòd si Rector accedat, quò aliquis Collegialium supremum locum obtineat, iste suum cedat Rectori; & qui Collegiales fuerint in ejus conspectu, recedant, seque colocent, ubi Rectorem non videant.

§. V.
Nullus Collegialium alterius cubiculum ingrediatur, quin prius bis pulser ostium, & ipsi respondeatur ab intus; si tamen in eodem cubiculo sit Rector, vel postea advenerit, non ibi permaneat nisi de jussu Rectoris. Item volumus, quòd dicti Collegiales caveant concurrere in functionibus tam in Sacris, quam in Sæcularibus: si tamen justa de causa, decentiorem locum obtineant; quòd si decentiora loca per alios inveniantur occupata, minimè sedeant, sed stantes concurrant.

rant. Intra mœnia Civitatis Granatensis non ambulabunt nisi in suo Collegiali habitu cum clamide : si verò ad alia oppida transierint, illic in habitu talari Clericali incedant cum suo Familiari. In Ecclesiis non affectabunt nimiam devotionem, sed erunt modesti, devoti, & circumspecti, à curculis, & conventiculis separati, nulla inter se, nec cum aliis loquentes, nec re curiosè aspicientes.

§. VI.

Item ordinamus, quòd Collegiales de Collegio egredientes rediantur ad Collegium, ante quàm fores claudantur, & præcipuè vesperè, nè in Solitis horis cum clamide in populo videantur. In exitu, & ingressu in Collegium caput discooperiant. In omni ingressu, vel egressu de quocumque loco, si fuerint duo Collegiales, antiquior parùm sistens in foribus, veniam faciat moderniori, quasi illum invitans ad latus dexterum; & moderniore se inclinante, antiquior incedat dexterum latus occupans. Similiter post regressum ad Collegium, dum intra claustra velint se separare, ad invicem sibi veniam facient: Collegialis verò associans Rectorem, illum semper comitetur vsque ad cubiculum Rectorale, vbi à Rectore veniam petet ad recedendum, & deponendam clamidem. Dum per vias Civitatis incedant, neminem in medio assumant, nisi qui olim fuerit ejusdem Collegii Collegialis.

§. VII.

Item quoties interloquendum nominari debeat persona Invictissimi Imperatoris Caroli Quinti, dicti Collegii Fundatoris, sic erit nuncupanda: *Dominus Imperator Carolus Quintus Dominus meus*. Si verò nominare occurrat Rectorem, semper dicti Collegiales dicent: *Dominus Rector*. Si alium ejusdem communitatis *Dominus N.* Semper tamen, quòd Dominus Imperator, Rex, Supremus Pontifex, vel Rector adveniant nominandi, tollant pileum. Item quandò duo Collegiales adierint Universitatem, vel alium locum, vbi sint separandi, si vnus illorum non transegerit vnum integrum annum Tyrocinii, non ambulabit hinc inde, sed sistet, & positus in cæremonia manebit spectans Socium antiquum, vt revertantur.

§. VIII.

Qui solus de ambulaberit, & obvium habuerit alium, qui olim fuerit Collegialis ejusdem Collegii, sumat latus dexterum ipsius, ita vt è duobus Collegialibus, quorum alter fuit, & alter nunc est; qui est, meliorem occupet locum. Item nullus Collegialium per vias Civitatis ambulet sine alio Collegiali, vel saltem sine vno ex Famulis, præterquàm per insulam ipsius Collegii, id est, solus ire poterit quivis Collegialium ad Universitatem, Ecclesiam Cathedralem, &
alia

alia loca sic Collegio propinqua. Si tamen aliquis solus longius eat, puniendus existat; sed in egressu cum Famulo, Tyronibus nullatenus est dispensandum.

§. IX.

Item volumus, quòd cubicula, sive habitacula Collegii distribuantur secundum vniuscuiusque tempus Collegii: & quovis cubiculo vacante, illud eligat Collegialis antiquior, & illo nolente, qui antiquitate Collegii illi succedat, & sic deinceps per reliquos Collegiales, quin alia qualitas gradus, vel ordinis, sed sola Collegii antiquitas ad eligenda cubicula attendatur, præter Rectorem, cujus officio est domicilium deputatum. Quòd si contigerit, cubiculum vacare, & Collegialis, qui habet jus ad illud, fuerit absens cum licentia legitima sui Rectoris, spectetur, vel alius pro eo eligat, si habuerit in mandatis ab ipso absente.

§. X.

Item quoties in Collegio congregentur, sedebunt ordine antiquitatis Collegii, & eodem ordine extra Collegium, præterquam in concursu Cathedris, & Præbendis obtinendis; in his namque casibus sedebunt juxta vniuscuiusque antiquitatem in gradu, prout moris est in cæteris Doctoribus, & licentiatis. Quivis Collegialium, qui tempus Tyrocinii adimpleverit, habeat jus citandi pro suo libito ad egrediendum quemvis ex modernioribus non dum citatis; qui enim per alium fuerit præcitatus, nullatenus admitat citationem alterius, quamvis antiquioris; præterquam in casu, quo Rector velit egredi de domo Collegii, qui poterit citare Collegialem ab alio citatum: hic tamen moneat Rectorem de prævia alterius citatione ipsi facta, vt provideat, quod oportunius judicaverit, ne alteri Collegiali lædatur ex ignorantia; sed ipse Rector semper præferri omnibus debet.

§. XI.

Item Collegialis citatus statim removeatur à quocunque impedimento; & poterit excusari pro illis horis, quibus teneatur legere in Universitate, si fortè Cathedram obtineat, vel alia notoria justa causa interveniente. In congressibus Sæcularibus, sive in illis locis, in quibus Populus congregatur, vel recreationis, vel alterius jucunditatis causa (vulgò passeos) Collegiales non inveniuntur, sed fugiant omnem occasionem ejusmodi concursus popularis; quòd non est intelligendum, quando concurrunt pro Collegio in loco decenti, & cum insigniis ipsius, ac authoritate, quam præscripsimus pro publicis congressibus celebrandis.

§. XII.

Item cubicula, sivè habitationes Collegialium nullo suppellectili ornata habeant, nullisvè picturis pretiosis, vel profanis; sed ea tantùm in cubiculis habeant, quæ modestiam, & decentiam non excedant. Nocte, & tempore conferentiarum litterarum Collegiales nullum hospitem admitant, nec vllus extraneus in Collegio pernoctabit, nec aliquis Collegialium, cum sit in vrbe Granatensi.

§. XIII.

Item Collegiales quovis titulo, prætextuvè abeuntes extra Civitatem Granatensem cum licentia Rectoris, quàm primum ad illam revertantur, & redeuntes dirigantur ad domum Collegii in eodem habitu, quo iter fecerunt; quin illis liceat ad domum, etiam parentum, prius adire, quàm suo Rectori præsententur; quòd si Rector abfuerit, spectabunt donec adveniat; nisi Rectoris absentia fuerit diuturna, in hoc enim casu præsentabuntur coram Vice-Rectore, vel antiquiore. Per Collegium clamidè non vtantur nisi ad congressum electionis Rectoris, vel possessionis alicujus clamidis, vel quando revertantur ad Collegium vsque ad proprium cubiculum, sed solum antiqui: Tyrones super vnum humerum ab interiori porta Collegii.

§. XIV.

Quotiescumquè figantur edicta per Vniversitatem Granatensem, vel per capitulum alicujus Ecclesiæ Cathedralis, vel Collegiatae pro aliqua Cathedra, vel Canonicatu Officii, per concursum conferendis, Rector Collegiales congregari jubeat, quibus proponat Cathedram, vel Præbendam vacantem, vt ibi, vel alia die, quæ oportunior judicetur, congregentur ad nominandum Oppositorem dictæ Cathedrae, vel Præbendæ, qui sæpius antiquior ex Collegialibus intra Collegium existentibus nominandus erit, nisi intercedat evidentissima causa, per duas trium partium Collegialium comprobanda, vt loco antiquioris Collegialis alius in Oppositionem eligatur, in quo conscientias Collegialium graviter oneramus, vt non fiat præjudicium antiquiori; vel nisi per competentem partem Doctorum, vel Canonicorum, qui ad Cathedram, vel Præbendam sunt promoturi, Collegio fiat petitio, vt veniam præstet minùs antiquo præantiquiori: quia Vniversitati, vel suæ Ecclesiæ vtiliorem judicaverint; quibus in casibus electio Oppositoris iudicio Collegii relinquenda erit, vt maturius, ac in omni eventu consulat, ac provideat omnia, quæ sint ad majorem vtilitatem, ac augmentum nostri Regalis Collegii.

IN dictis vacantibus, soli Collegiali nominato sunt applicanda Officia, suffragia, ac literæ testimoniales Collegii; & Collegialis nominatus dictam electionem de se factam teneatur acceptare intra tres primos dies ab ejus electione, quibus transactis, & electione non acceptata, jus dictæ electionis statim amittat, & in ipsius loco sequens, vel qui oportuerit, Collegialis nominetur. Si fortè aliqua contentio tumultuaria inter Collegiales (quod absit) orta fuerit, Rector illam sedare proviribus studeat, & intellecto principali motore, Collegium congregabit, ut de ipsius judicio illum puniat.

§. XVI.

SI verò oriatur quæstio inter Rectorem, & quempiam Collegialium, Consilarii curam habeant illi imponendi silentium sub comminatione gravioris pænæ pro liberiori licentia adversus Rectorem, ac Collegii caput, facta, ab ipsis Consiliariis declarandæ, ac per Collegium confirmandæ: quæ omnia singuli Collegiales exequi teneantur sub pænâ præstiti juramenti, in quam si Rector incurrisse comperiat, semel, & iterum præmonitus, & non correctus, officio privandus erit, privatione per suffragia, seu vota secreta per duas trium partium administrus Collegialium in congressu faciendâ; à qua solum appellare ad Regiam Cameram liceat.

§. XVII.

Item volumus, quòd Collegiales actuales tales sint in nostro Collegio per spatium decem annorum ab ingressu, sive possessione elamidis continuò computandorum; de prædictis tamen decem annis detracto tantum tempore, quòd aliquis Collegialis consumpserit, & abfuerit pro Oppositionibus Præbendis faciendis, vel pro negotiis nostri Collegii, ejus jussu, & in ipsius obsequium, utilitatem, ac causam expediendis, quòd quidem tempus in prædictis decem annis Collegiali, vel Collegialibus absentibus computari minimè volumus.

§. XVII.

Item ordinamus, quòd dictis decem annis transactis, & à Collegiali, vel Collegialibus impletis, hi permaneant in dicto Collegio; quos Collegiales actuales omni respectu, & amore tractabunt, tamquam emeritos, ac nostri Collegii Seniores: qui quidem Collegiales (Hospites vocati) tantum careant voce activa, & passiva, id est, nequeant eligere, nec eligi, nec se intromittere resolutionibus, aut Collegialium vocalium congressibus. Sed volumus, ut quoties opportunum judicaverit Collegialium vocalium congressus, consilium inquirere aliqua super resolutione, attentâ materiæ tractatæ, vel tractandæ gravitate

vitae, dicti Collegiales Hospites, utpote magis instructi, ac experti in nostri Collegii negotiis, à Rectore vocati ad congressum pro expedientiori, ac prudentiori deliberatione accedere teneantur, & actuales Collegiales illos informet de eorum iudicio, causisque, ac rationibus, quibus innituntur; verum dictorum Hospitum rationis dictamina meræ consultationis vim habebunt, quibus auditis, resolutio vnicè ad actuales Collegiales expectabit.

§. XIX.

Item statuimus, & ordinamus, quòd si aliquis Collegialium existens, in quacumque parte temporis ultimi anni suæ actualitatis, dummodò decem anni impleti non sint, electus fuerit in Rectorem, vel Consiliarium, non hospes fiat vsque ad annum sui Officii completum, etiamsi, antequàm compleatur annus sui Officii, prædictos decem annos supra assignatos adimpleat. Item prædicti decem anni supra assignati pro Hospite faciendo non computentur Collegialibus Capellanis nisi à die, qua possessionem obtinuerint Præbendæ Collegialis vocalis. Quæ hæc nostra statuta, nè Collegium corruat diuturnitate, volumus, & mandamus, ipsius nostri Regalis Collegii prosperitati, & splendori prospicientes, à Rectore, & Collegialibus inviolabiliter observari, & perpetuò exequi.

CONSTITUTIO XVI.

DE OBSERVANDIS IN REFECTORIO.

§. I.

Volumus item, esse quemdam locum, ad prandium, & cœnam destinatum, quem, quia pro reficiendo corpore instituitur, Refectorium nominare volumus; in quo erunt mensæ pro oportunitate loci, & numero Collegialium cum mapis mundis, & omnibus aliis, ad prandendum requisitis cum omni decentia; sed sine prolixitate, vel superfluitate. Item ad hunc locum convenire teneantur omnes Collegiales à die Paschatis Resurrectionis vsque ad diem Festi Sancti Michaelis Archangeli hora undecima ante meridiem; & ad cœnam hora octava vespertina; & à prædicto die Sancti Michaelis Archangeli vsque ad Pascha Resurrectionis hora undecima, & dimidia ante meridiem ad prandium; & ad cœnam hora octava, nisi iudicio Collegii, vel saltem Rectoris, & Consiliariorum, alia hora convenientior videatur.

§. II.

Rector nè descendat ad Refectorium, nisi postquam Collegiales descenderint, & sint expectantes adventum Rectoris, vel saltem sine tribus Collegialibus expectantibus, quibuscum constituat corpus communitatis. Quòd si Rector aliqua vrgenti causa, vel infirmitate, nequeat descendere, moneat per Familiarem Collegialem antiquiorem, ne corpus communitatis moram patiat. Collegiales expectantes in Refectorio Rectorem, sint sedentes (exceptis Tyronibus) & surgent ad ingressum Rectoris, qui semper veniat, præeunte vno saltem ex Familiaribus; omnibus stantibus discoopertis, & debita cæremonia, antiquior Collegialium benedictionem petat, dicens: DOMINUS. Idemque Collegialis antiquior, si sit Sacerdos; vel si non fuerit Collegialis, qui fuerit Sacerdos, benedicat per hæc verba: NOS, ET EA, QUÆ SUMPTURI SUMUS, BENEDICAT DEUS TRINUS, ET VNUS; cæteris respondentibus: Amen.

§. III.

Prandio, & cœna finitis, Rector, facto signo, surgit: omnibusque surgentibus, in cæremonia constitutis, qui dedit benedictionem, gratias agat, dicens: QUI NOS PAVIT IN TERRIS, IPSE DET COMPLEMENTUM IN COELIS. Et vt debitum gratitudinis obsequium persolvatur; pro Anima Augusti Fundatoris Collegii Responsum per communitatem dicatur: & statim Rector, nullum expectans, primus egredietur. Rectori, ad cœnam descendentem, candela accensa per vnum ex Familiaribus, Rectorem præeuntibus, deferatur, quòd similiter observabitur, cum à Refectorio recedat.

§. IV.

Item tam intra, quàm extrà Refectorium, Rectore cum aliis Collegialibus prandente, designabitur vnus ex Familiaribus, qui soli Rectori inserviat: quin aliis Collegialibus prandium afferatur, nisi postquam Rectori allatum fuerit. Si quis Collegialium aliquo egeat, vocabit Familiarem, vas, sive buccellam feriens cum cutello: quin alta voce quidquam deposcat: Refectorium enim decet, magnum silentium, & modestiam observari à Collegialibus, se gerendo in hoc, & similibus actibus, prout talium Collegialium stricta exigit educatio.

§. V.

In die veneris, & aliis diebus abstinentiæ, Collegiales, quibus infirmitatis causà essus carnis liceat, simul discumbant in Refectorio cum abstinentibus: sed his solis inserviendum est: infirmis verò non, nisi post gratiarum actionem. Liceat alicui ex Collegialibus, aliquâdo pran-

prandere extra Refectorium, de licentia tamen Rectoris : sed laudabilis consuetudo prandendi in Refectorio non deleatur; in quo Rectorem volumus nimis sollicitum. Inter prandendum, dum vires corporis reficiuntur, animam quoque refici, oportet, lectione spirituali; quæ erit ex aliquo capite Sacræ Paginæ, vel de vita alicujus Sancti, Historiæ Ecclesiasticæ, vel alterius doctrinæ utilis; quæ non finiatur, nisi ad signum Rectoris, cui illud facere liceat, quodcumque voluerit, sed præcipuè post prandium finitum. Insuper volumus, has nostras constitutiones legi semel, saltem menses per binos, in Refectorio; onus autem legendi incumbat Tyronibus (siqui fuerint) per Hæbdomadas inter eos distribuendas.

§. VI.

IN feria quinta Cœnæ Domini sit prandium splendidius in honorem, & obsequium tam Sacræ Solemnitatis. Die autem sequenti mensæ sint sine mapis, & prorsus nudæ; & Collegialibus, quibus per Rectorem inserviendum est, nihil aliud afferatur præter panem, aquam, & vnum, vel alterum discum hervarum sine lectione, nec alia prorsus conversatione, nec in dicto die post prandium congregabuntur ad colloquendum, sed singuli Collegiales ad singula sua cubicula, silentes, recedant, memoria recolentes Dominicam mortem, & Domini nostri Jesu Christi Passionem.

CONSTITUTIO XVII.

DE VRBANITATIBUS, PER COLLEGIUM OBSERVANDIS.

§. I.

Quia oportet, omnem Collegialem educationi Collegii semper esse obsequentem: statuimus, quòd singuli Collegiales, qui de Collegio extra Civitatem Granatensem fuerint egressi ad aliquod munus, vel dignitatem obtinendam, quoties Granatam redierint, nulli alii publicè præsententur, quin prius Rectorem visitaverint: quem post præviam ipsius visitationem, & non aliter, visitabunt duo Collegiales nomine Collegii.

§. II.

IN festo Nativitatis Jesu Christi Domini nostri nominet Collegium duos Collegiales, ut nomine ipsius felicitatem annuntient tanti Festi Præsidenti Regalis Prætorii Granatensis, Archiepiscopo, vel alicui à nostro Cameræ consilio, vel à consilio Regali; aut Generalis alicujus Religionis, vel Magno Castellæ Heroi, si fortè Granatæ fuerint: necnon, & singulis, in dignitate, vel munere publico, constitutis, qui in dicto Collegio extiterint Collegiales. Eodem modo quoties Gra-

natam pergant, vel Archiepiscopus, vel aliquis à nostro Camere consilio, vel à consilio Regali, Præsidentis Civitatis, Religionum Generales, vel Castellæ Magni Heroes, duo Collegiales erunt deputandi, vt nomine Collegii illos felicitent de bono suo accessu: quòd observare fas erit, quoties Collegio expedire videatur.

§. III.

AD Processionem in Festo Sanctissimi Corporis Christi, & ad quemvis alium publicum congressum, intra, vel extra Collegium, celebrandum, in vitandi erunt per Familiares de iussu Rectoris Collegiales, Granatæ extra Collegium existentes (qui alibi interesse non teneantur) vt cum actualibus sedeant. Pro gradibus Doctoratus, publicè conferendis, aderit Collegium in Theatro Vniuersitatis Granatensis, circumscriptum per duos Familiares, duas extremitates Rectoris, & Collegialis vltimi occupantes (vt moris est) ad quòd etiam invitandi erunt, qui olim fuerunt Collegiales eiusdem Collegii.

§. IV.

Item concurrat Collegium (sine Familiaribus tamen) in generale dictæ nostræ Vniuersitatis, vti hæctenus, in publicis disputationibus, & aliis actibus. In concursu pro Præbendis officii nostræ Ecclesiæ Cathedralis, Capellæ Regalis, vel Ecclesiæ Collegiatæ Salvatoris, obtinendis, aderit etiam Collegium, sed sine Familiaribus: & si quis Collegialium in concursu comparuerit pro Præbenda obtinenda, in debitum gratitudinis obsequium laudes Augustissimo Imperatori, & Regali Collegii Fundatori percurrat, Collegialibus surgentibus, & stantibus in cæremonia, quousquè finiantur laudes, quæ à Collegio erunt efformandæ, & faciendæ, & his nostris constitutionibus adscribendæ.

CONSTITUTIO XVIII.

DE CURATIONE INFIRMORUM, ET FUNERALIBUS.

§. I.

Volumus, quòd si quis Collegialium in aliquam infirmitatem inciderit, omni diligentia, & sollicitudine in ipsius mansione curetur; & de medicina, Medico, civariis, aliisque, ad ipsius medelam necessariis, sibi provideatur juxta infirmitatis qualitatem; & eadem curà, & sollicitudine Familiaribus providendum erit: in quo Rector specialem admodum sollicitudinem adhibere teneatur. Quòd si in infirmitate periculum imminet, ipse Rector Collegialem infirmum moneat, vt confiteatur, prout magis expediens iudicaverit.

§. II.

Verum tamèn Eucharistiæ Sacramentum pro Viatico, & Extremæ Vnctionis ministrari non debeat, quousquè per Medicum ordinetur: & quandò ex Medici consilio Collegialis infirmus Eucharistiæ Sacramentum suscipiat, ab ipso Rectore monendus erit, vt de rebus suis, tam temporalibus, quàm ad eius conscientiam expectantibus, disponat: idemque Rector curabit, vt duo Collegiales, vel duo Presbyteri Sæculares, vel Regulares, prout ipsi infirmo majoris fuerit solatii, ipsum infirmum consolari, & exhilarare discursibus spiritualibus debeant, cætera providendo, quæ ad illius dispositionem, si moriturus suspiciatur, necessaria reputentur. Si verò infirmitas ad mortem vsque pervenerit, Rector Collegium convocet, vt infirmo in mortis articulo adsit, & post obitum funeralia disponat.

§. III.

Si Collegialis decesserit è vita, Magister Cæremoniarum disponat, cadaver decentè in Capella Collegii constitui, & cum pompa funerali, omnique solemnitate, statui, ac dignitati Collegialis conveniente, iudicio Collegii, sepeliri. Juxta cadaver Collegialis, in capella expositum, duodecim faces, & sex candelæ; & sex aliæ ad Altare apponentur. Quòd si defunctus Rector sit, idem observabitur; si verò vita functus fuerit Familiaris Collegii, ad ejus cadaver apponentur sex faces, & quatuor candelæ.

§. IV.

Post obitum vniuscujusque Collegialis, tam eorum, qui sunt, quàm eorum, qui olim fuerint, singuli Collegiales, tam præsentès, quàm absentes sint, duas Missas celebrare, & offerre, si sint Sacerdotes, vel pro eis respondentem clæmosinam dare, si non sint, teneantur. Et nè suffragia diferantur, curabit Rector, vt per Collegialem Secretarium omnes, qui in hoc nostro Collegio Collegiales extiterint, certi fiant de obitu Collegialis defuncti.

§. V.

Cum verò adest Collegium hujusmodi solemnibus funeralibus, singuli Collegiales caput pileo cooperiant, nisi ad elevationem Eucharistiæ vsque ad ejusdem sumptionem; quo tempore discooperiantur, & clamidem collo, & ori circumligent more solito reliquorum Collegialium. Sumptus tamen pro prædictis funeralibus deducantur ex bonis Collegialis defuncti, vel ab ejus Patre petantur. Si verò nequè ab vno, nec ab altero, deduci possint propter eorum inopiam, tunc casus fiant à Collegio. Si quis Collegialium extra Collegium, sed vel intra mænia Civitatis, vel in sub vrbanis cõtingat decedere, ipsius cadaver sine pompa ad Collegium deferatur, & postquàm in Capella collocetur, cætera fiant, vt supradictum est.

CONSTITUTIO XIX.

DE FAMILIARIBUS COLLEGII.

§. I.

DEcori, & majori complemēto nostri Regalis Collegii consulentes, utque Collegiales in suis exercitiis ad litterarum studium expeditiores inveniantur; volumus, & ordinamus, quòd in prædicto nostro Collegio sint duo adminus Familiars (vulgò *Famuli* nuncupati) qui sint de immaculata stirpe, & progenie, benè inclinati, moribus, & vita honesti, Grammatica, & primis saltem Philosophiæ rudimentis instructi, spem afferentes de suarum personarum bono lucro.

§. II.

Vacante, igitur, aliqua Familiatura, Rector congregabit Collegiū, prævia citatione ante diem, ut notam faciat vacationem, qua intellecta, per Collegium commissio danda erit Rectori, & Consiliariis, ut disponant edicta pro Familiaturæ vacantis collatione; quæ subscripta à Rectore, Consiliariis, & Collegiali Secretario, in loco solito affigentur, ut omnibus innotescat: & qui Præcendentes reperiantur, in examen adducentur coram Rectore, & Consiliariis, præsentate Secretario Collegii, ut fidem faciat de Grammatica, & primis saltem Philosophiæ rudimentis. Et scrutinia idoneorum per Rectorem, & Consiliarios (omni passione postposita) faciendā, & per Secretarium obseranda, sic obserata; Collegio in congressu exponentur, & vnum ex contentis in scrutiniis, qui magis idoneus reperiat, per vota secreta, seu suffragia, Collegiales eligant, præcedente tamen secreta informatione vitæ, morum, & puritatis sanguinis eligendorum.

§. III.

Sic electus in Familiarem, statim, ac certus fiat de electione, in sui favorem facta, gratias aget Rectori, & singulis Collegialibus pro gratia, nuper ipsi concessa: dictoque Rectori, & Consiliariis Memoriale Genealogicum præsentabit, ut publicè fiant informationes: quæ ob sumptus vitandos committentur Collegiali præterito, in oppido originis electi reperto, vel ad duas leucas distanti; vel si hic ibi non inveniatur, committantur Commissario Sancti Officii Inquisitionis ibi existenti, vel in hujus defectu Beneficiato illius Ecclesiæ, aut personæ debitæ fidei, à Collegio designatæ, cui commissio subscripta, & obsignata (ut de Informationibus Collegialium alibi manet statutum) necnon Memoriale Genealogicum, & Interrogatorium mittentur, ad cujus theorem informationes faciat; factas subscribet, subscriptas obserabit, & obseratas ad Collegium transmittet, quæ per Collegium revisæ, & conformes repertæ, approbabitur; & sic approbatæ in Archivo reponantur cum aliis informationibus.

§. IV. Sic in Familiarem electus, simul, & approbatus, induat habitum Collegialibus communem; & sic indutus, pileoque ad pectus appposito, manu ducatur per Magistrum Cæremoniarum ad locum congressus Collegialium, & genuflexus ad pedes Rectoris, sequens faciat sigilli in rebus Collegii observandi, & obedientiæ suo Rectori præstandæ juramentum.

JURAMENTUM.

„ **E**GO Frater N. Regalis Collegii Sanctæ Catharinæ Martyris, Imperialis Vniversitatis Granatensis humilis alumnus, promitto
 „ per Deum vivum (tangit librum Evangeliorum) & per hæc quatuor
 „ Sacrosancta Dei Evangelia, à me corporaliter atacta, acuratè servire,
 „ diligenterque prospicere omnia, & singula, quæ tendant ad majorem
 „ decorem, debitumque servitium hujus Communitatis, cui per totum
 „ vitæ meæ tempus inservire non desinam, inque incumbendo muneri,
 „ servandoque secreto, ero diligentissimus. Sic me Deus adjubet, &
 „ hæc quatuor Sacrosancta Dei Evangelia.

§. V.

Post factum juramentum, Rector sumat scutum argenteum insigniorum nostri Regalis Collegii, & pectori Familiaris electi figat, dicens: *Quia jam te nostri Regalis Collegii Divæ Catharinæ Martyris, Imperialis Vniversitatis Granatensis, dignum judicavimus alumnus, concedimus tibi nostri Regalis Collegii insignia, ut possis frui omnibus Privilegiis, dicto nostro Regali Collegio concessis, ut cursibus tuis peractis, ad majora valeas pervenire, & tandem vitam æternam consequaris in nomine Patris, & Filii, & Spiritus Sancti. Amen.* Quibus finitis, Magister Cæremoniarum instruat novum Familiarem de omnibus, ab ipso observandis.

EXHORTATIO FINALIS

PRO FIRMIORI NOSTRI REGALIS COLLEGII CONSERVATIONE.

Peractis jam ordinationibus, statutis, & constitutionibus nostri Regalis Collegii Divæ Catharinæ Martyris, nostræ Imperialis Vniversitatis Granatensis, solum restat, Collegiales in eis observands esse semper intentos, animadvertentes, eò gloriosiores, majorisque honoris digniores fore habèdos, quò rigorosiores, & exactiores extiterint in observatione præstitarum constitutionum. Et quia pro temporis varietate potest contingere, ut vel ob negligentiam, vel zeli defectum Collegia hujus futurorum, hoc nostrum Regale Collegium aliquod patiat in posterum detrimentum, Judicem Conservatorem, & Protectorem pro tempore existentem hortamur, ut nostro nomine hoc nostrum Regale Collegium pro viribus curet conservari, ac protegi in omnibus suis Privilegiis, Juri-bus, Exemptionibus, & Prærogativis, his nostris constitutionibus, vel alio titulo correspondentibus: se pro viribus opponendo opressionibus,

L

insidiis,

insidiis, & violentiis, quibus quilibet dictum nostrum Regale Collegiū, & ejus Collegiales extorquere præsumpserit, præ oculis habendo, illos in dictis offensionibus adversus Deum, adversus Nos, & justitiam agere: vt dictū nostrū Collegium, nostro Patrocinio, & adjutorio munitum, omne detrimentum declinet, & ad feliciorē perveniat statum cum augmento in servitio Dei, & nostris; ac Reipublicæ, & totius Regni utilitate.

Las quales dichas Constituciones aqui insertas, mando al Rector, y Colegiales, que aora son, y en adelante fueren, y à los demás Ministros, y Sirvientes del mencionado mi Real Colegio de Santa Cathalina Martyr, de la Imperial Vniversidad de Granada, cada vno en su tiempo, las guarden, cumplan, y executen; hagan guardar, cumplir, y executar en todo, y por todo, segun, y como en ella se contiene, sin ir, ni contravenir en manera alguna, so pena de la mi merced, y de las otras penas contenidas en las nuestras Constituciones; y para que estas tengan su entero cumplimiento, encargo, y mando al Juez Protector, y Conservador, por mi nombrado, del dicho Colegio, y à los que en adelante eligiere para este Empleo, zelen, y vigilen su observancia integramente, segun, y como en dichas Constituciones se contiene, sin hazer, ni consentir, se haga cosa en contrario en manera alguna, SIN EMBARGO DE OTRA QUALQUIERA PROVIDENCIA, POR SER ESTA MI VLTIMA, E IRREVOCABLE REAL VOLUNTAD: en cuya consecuencia mandè dar la presente, firmada de mi Real mano, y refrendada de mi infra scripto Secretario del Real Patronato, para que leida, y entendida por el Rector, Colegiales, Ministros, y Sirvientes del citado mi Real Colegio de Santa Cathalina Martyr, se ponga Original en su Archivo, à fin de que en todos tiempos conste, y aya, y tenga cumplido efecto, lo que aqui llevo resuelto, y mandado; y asimismo es mi voluntad, y mando, que à los traslados, y copias autenticas, que se sacaren de dichas Constituciones, se les dè, aya, y tengan la misma fuerza, y validacion, en juicio, y fuera de el, que à esta su Original, pues assi procede de mi Real voluntad. Dada en el Pardo à quinze de Enero de mil setecientos y quarenta y vno. YO EL REY. &c. Yo Don Inigo de Torres y Oliverio, Secretario del Rey nuestro Señor, lo hize escribir por su mandado. Registrada. Don Miguel Fernandez Munilla. Teniente de Canciller Mayor. Don Miguel Fernandez Munilla. Derechos treinta y siete reales vellon. Don Juan Blasco Horozco. Don Joseph Ventura Guell. Don Joseph de Bustamante y Loyola.



